

# *TIISO EA PASEKA*

 Ke monyetla ruri ho fihla mona hosing hona, ka letsatsi lena la tsoalo la khaolo ena ea Borakhoebo Ba Evangel E Tletseng mona Phoenix, le ho tseba hobane Morena o mphile seabonyana teng, ho ba karolo ea botsoalle bona. Ke batla ho lumelisa Moena Carl Williams le mohats'a'e, Moena Stromei, ba bang bohole mona kalaneng, Moena Shores, Moena Outlaw, bareri, le lōna bohole batho ba batle.

<sup>2</sup> Le a tseba, letsatsi la tsoalo ea ka—ea ka le ne le le veke e fetileng, le 'na. 'Me ke batla ke le moholoanyane feela ho khaolo. Ke a kholoa o itse, "Hlano le... lilemo, tsa khaolo."

<sup>3</sup> Motho o buile, letsatsi le leng, ho re, "Lilemo tsa hao li kae, Moena Branham?"

<sup>4</sup> Ka re "Mashome a mabeli le metso e tšeletseng." 'Me ka re, "Ke phumutse lilemo tsa pele tse mashome a mabeli le metso e mehlano. Ha ke a Mo sebeletsa hantle ho tsona." Ka re, "Ke tšepa A etsa joalo, le eèna." Ho Mo etsisa eona ho tla be ho fapane.

<sup>5</sup> Empa ho hotle ho fihla mona. 'Me joale ha re batle ho nka nako ea lōna e ngata. Hobane re... Ke a—ke a tšaba kamehla, ka mora ho utloa mapaki a mang ana a monate, le lintho tse etsahalang, tseo ke... le lifela, hore nka tšoha ke etsa ntho e ka e sitisang. 'Me ke batlile ho phaella, haeba nka phaella letho. Likhaitseli tsena...

<sup>6</sup> Moena ea binneng sefela sena hoseng hona, moena oa 'mala, ke ile ka ananela hoo, *Leihlo Le Bona Le Serobe*.

<sup>7</sup> Le likhaitseli tsena tse binneng sefela sena, ebile lithuso ho 'na mehleng ea ketelo ea ka mona khetlo la pele. Ke e tšoere. Ke se hatisitse, 'me ke sa tsoa se lets, *Nka Rata Ho Rerisana Le Eèna*. 'Me ke kōpile Moena Dawson Riley mono, motsoalle oa ka, haeba a khona, ba bang ba bona, haeba ba ka tšoara maleiti ao, haeba ba sa le holim'a lefatše mona, ho se bina hape hoseng hona. 'Me ke tšepa Terry a se tšoere. 'Me ke a tšepa o entse hoo. Ke batla ho se fallisa mono, ha ho khoneha, ho se fallisetsa rekotong kapa ho hong, hoba ke hlile ke rata sefela seo. 'Me eo ke... takatso ea ka ke ho rerisana le Eèna. Ke kholoa bohole re batla joalo. Morero oa rōna mona hoseng hona.

<sup>8</sup> Joale, likōpano tse tlāng, veke e tlāng. Na ho lōkile ho e bolela? [Moena o re, "Ehlide."—Mohl.] Ke—ke tlameha ho ba lapeng veke e tlāng ena, tabernakeleng, Sontaha se tlāng, tšebeletsong ea Paseka; Moqebelo bosiu, Sontaha, le Sontaha bosiu. Ebe ke khutlela California. Lōna batho bohole ba tikolohong ea California, ruri nka thaba ho kenela kōpano eo le lōna mono. 'Me kea kholoa Billy o e phatlalalitse ka phoso.

Na... O itse, "Mane Biltmore Hotel," ke a kholoa, "athe e tla tšoareloa." Ke... [Motho o re, "Ha ke a e tšoara."] Ha ke a e tšoara. Athé e Eastmont? ["Embassy."] Embassy, ke Embassy Hotel. Ka hona mang feela oa batho ba Evangel E'Tletseng mono ba ka le tsebisa, haeba u le koo.

<sup>9</sup> 'Me re ntso khutla mono, re toba Afrika Boroa. Khoeli e le 'ngoe ho qala kajeno, re sesisetsa Afrika Boroa, re lebeletse nako e khōlō ho Morena, lichaba li ka ba tharō tlase mono. Ka hona ruri re—re qela lithapelo tsa lōna. Nka tšoha ke sa le bone hape le ka mohla, ha Morena a ka re atlehis a ho ea teng, ho fihlela ke khutlile. 'Me ke tšepile ho le fa tlaleho e khōlō mohla ke khutlileng.

<sup>10</sup> Khetlo la ho qetela tlase mono, ke hopola Morena a ile a mphā kōpano ea ka e khōlōhali ho fetisa le ka mohla. 'Me khetlo le leng, memong ea aletare... Joale, mona ke ho tsoa hara batala ba aparang kobo. Ho latēla tsebo ea ka, khetlo le leng batho ba amohetseng Kreste e ne e le likete tse mashome a mararo. 'Me ra ba hopola ba nahanne pholiso ea 'mele, kaha ho kile ha folisoa likete tse mashome a mabeli le metso e mehlano khetlo le le leng. 'Me letsatsi le hlahlamang, ramotse oa—oa Durban, e leng Sidney Smith, a re, "Nyarela ka fesetere ea hao, sheba ho theohang ka seterata." 'Me ho haola divene li phahletsoe moroalo ka morao ho moroalo, li hlohliloe likroko tsa khale tsa bakuli le lintho, li qhobellane feela; ba latētse ka morao, batala bana, athe ba ne ba loantšana, ba theoha ka literata tsa motse, ba ntse ba bina *Lumela Feela* ka leleme leo ba tsoaletsoeng ho lona.

<sup>11</sup> Ke a le bolella, pelō ea ka ea tlolaka. Joaloka... Ha u bona ntho e joalo, Moena Shores, u utloa mosebetsi oa hao e se lefeela. Le a bona, u lekile. 'Me ke tšepa Molimo o tla e pheta, e seng hobane—hobane re theohela koo, empa hobane re shebeletse ho Khutla ha Morena.

<sup>12</sup> 'Me ho joaloka ha sefela se boletse, re ntse re tsoma nku e nyenyane eo, e lahlehileng, hoo, ke... A—A ke ke a khutla pele nku eo e kene. E 'ngoe le e 'ngoe e tlameha ho kena mohlapeng. A ke ke a koala monyako pele eo ea ho qetela e kene. Ka hona, baena bareri, ruri ke ema le lōna, hoseng hona, ho leka ho tsoma nku eo ea ho qetela. E ka ba Phoenix, hoseng hona. Ha ke tsebe. Empa mohla ea ho qetela e kenang, Molisa o tla koala monyako.

<sup>13</sup> [Moena e mong o re, "Moena Branham?"—Mohl.] E? ["Na nka hlaha polelo feela?"] Ehlide qhoba. ["Ke lebetse taba. Esale re qoqa ka..."] Sekheo lebanteng.] Ho itōketse ka phethahalo. ["Me ke a tseba, motho o lebala, hang ka nako."] Ha ha ke joalo. ["Oh!"]

<sup>14</sup> Ke enoa ea tlamehang ho ngola sohle seo ke tlāng ho se bua, mohlomong. Ke a... Haesale ke tsafala, ho thata ho hopola, ho ngola Mangolo a ka fatše, le joalo-joalo. Mehleleng, ke ne ke khona ho hlahlamanya Mangolo a mashome a mahlano kelellong ea ka,

'me le ka mohla ho se . . . ho tsoella ka eona hantle, empa ke fetile limeile tse khohlahetseng matsatsing ao.

<sup>15</sup> Ka hona, re shebeletse ho Khutla ha Morena. Morena a le hlohonolofatse bohle!

<sup>16</sup> 'Me ha u nyolohela holimō mona, 'me u nahana . . . U lula fatše mona u utloa mapaki a batho bana. U a nahana, "Be, ha ke ema, ke tla bua taba ka eona." Ka hona, li ngata lintho tse ka buuoang, u ka li bua letšehare lohle. Empa, ruri ke le ananela bohle. Khaolo e nyenyane ena e 'ne e hōle. Kereke e 'ngoe le e 'ngoe Phoenix e tsوءelepele e hōle ho fihlela Jesu a khutlike, ke thapelo ea ka e shoetseng.

<sup>17</sup> Joale, ha ke nahana, ho re phomotsa ho se hokae, a re emeng re sa rapela. Na le ka etsa hoo?

<sup>18</sup> Molimo o Matlaohle, Ntate oa Morena oa rōna Jesu Kreste, Ea Mo tsositseng bafung, oa re neha Eèna ho ba sehlabelo, le Morena le 'Moloki. Re motlotlo ka Uena ka monyetla oa rōna hoseng hona, ho ema Pontšeng ea Hao, 'moho le batho ba Hao ba lopolotsoeng 'me ba shebeletse ho Khutla ha Hae ho khanyang khetlo la bobeli, ho re nkela ho Eèna. Ha sebe se le teng har'a rōna, Morena, re hlatsoe ka hisopa ea Hao. 'Me re a rapela, Ntate ea Maholimong, hore U folise motho e mong le e mong ea kulang har'a rōna.

<sup>19</sup> 'Me ba bang ha ba le teng, ba ka tšohang, ba sa U tsebe, ka mokhoa oa kolobetso e khōlō ena ea Moea o Halalelang eo re e hahamallang hakaale, eo re e bolelang e tšoaneleha, ho latela Mangolo a letsatsi lena la qetelo, re a rapela, Molimo, hore A tle a theohele holim'a rōna bohle, kajeno, le ho re kolobeletsa bocha 'Meleng, le ho kenya ba leng kantle, kahare, le bona, Ntate.

<sup>20</sup> Re hlohonolofatse re sa bala Lentsoe la Hao 'me re ikemisetsa ho bua 'Nete ea Lentsoe la Hao. Koalla melomo ea rōna seo e seng 'nete, le ho bulela lipelō tsa rōna le melomo seo e leng 'Nete, re sa inehela ho Uena. Sebelisa melomo ea rōna ho bua, le litsebe tsa rōna ho utloa, le lipelō tsa rōna ho amohela. Hoba re e kōpa ka Lebitso la Jesu, Ea a baletseng ho ba joalo. Amen.

<sup>21</sup> Ke ratile ho bala Lentsoeng le Halalelang, libaka tse tharō Bibeleng. 'Me ha u batla ho tšoaea ana, 'me u batla ho tšoelapele ka oona, ho a balla boitsebiso bo hatetseng pele, nka thaba ha u ka a tšoaea. Libaka tsee ke tla li bala ke Mattheu 28:1-10, hape le Tšenolo 1:17-18, Baroma 8:11. Nka a phetha hape. 'Me joale Mattheu 28:1 ho isa ho 10, Tšenolo 1:17 ho isa ho 18, le Baroma 8:11.

<sup>22</sup> Joale re atamela Paseka. E re le sa thola libaka tsa lōna, le e tšoaea. Ke hopola veke ena e tla hlahlama e le e 'ngoe ea veke e khōlōhali nalaneng le e fetisang livekeng tsohle tsa selemo. Ke hopola ntho e khōlōhali eo re tla e keteka veke ena, veke e hlahlamang ena, e ne e le ketsahalo e khōlōhali e kileng ea hlahela lefatše. Ha ke kholoe letho le ka e fetisa. U re, "Be, e—

e thakhiso e ne e le khōlō." Empa banna ba bangata ba shoele, banna ba bangata ba thakhisitsoe, esita le matsatsing a Morena oa rōna. Empa o Mong feela ho bona Ea tsohileng bafung. Hoo ha e tiisa.

<sup>23</sup> Joale ke batla ho bala. 'Me molaetsanyana ona o leleklang Paseka, ha Morena a ratile, metsotso e ka bang mashome a mane. Joale a re baleng Evangeli ea Santa Mattheu, khaolo ea 28, ho qalisa.

*Eitse qetellong ea sabatha, ha letsatsi le eang qalang veke le tla qala le chaba, Maria Magdalena le Maria e mong ba tla bona lebitla.*

*'Me, bonang, t̄sisinyeho e khōlō ea lefatše ea eba teng: hobane lengeloi la Morena la theoha leholimong, la phikolosa lejoe le neng le le monyako, la ntoo lula holim'a lona.*

*Sefahleho sa lona se ne se le joaloka lehalima, seaparo sa lona se le sesoeu joaloka lehloa:*

Bathothomeli ba...balebeli (nt̄šoareleng) ba thothomela ke ho le t̄soba, ba eba joaloka bafu.

*Lengeloi la bua la re ho basali, Haele lōna le se ke la t̄soba: hobane ke a tseba hoba lōna le batla Jesu, ea kileng a thakhisoa.*

*Ha a sa le mona: hobane o tsohile, joalokaha a ne a boletse. Tloong 'me le bone tao eo Morena a neng a beiloe ho eona.*

*Le mpe le phakise, le ee ho bolella barutuoa ba hae hore o tsohile bafung: 'me, bonang, o ea le etella pele ho ea Galelea: le tla 'mona teng: bonang, ke le boleletse.*

*Ba phakisa ba tloha lebitleng ka t̄sabo le ka thabo e khōlō; ba matha 'me ba ea bolella ho barutuoa ba hae.*

*Eare ba sa ea bolella barutuoa ba hae, bonang, ba bona Jesu a ba khahlanyetsa, a re, Lumelang. Eaba ba tla ba mo t̄šoara maoto, ba mo khumamela.*

*Joale Jesu a re ho bona, Se t̄sheng: e-eang le bolelle banabesō hore ba ee Galelea, ke moo ba tla mpona teng.*

<sup>24</sup> 'Me T̄šenolo, khaolo ea 1, le temana ea 17 le ea 18.

*Eitseha ke 'mona, ka oela maotong a hae eaka ke shoele. A beha letsoho la hae le letona holim'a ka, a re ho 'na, Se t̄sabe; ke 'Na oa pele le oa morao:*

*'Me ke a phela, ke na be ke shoele; 'me, bona, Ke phela kamehla le mehla, Amen; ke na le linotlolo tsa nqalo ea bafu le tsa lihele.*

<sup>25</sup> 'Me Bukeng ea Baroma, khaolo ea 8, ho qala ka temana ea 11.

*'Me ha Moea oa ea tsositeng Jesu bafung o ahile ka ho lōna, ya tsotsitseng Kreste bafung o tla tsosa le 'mele ea lōna e shoang ka Moea oa hae o ahileng ka ho lōna.*

<sup>26</sup> Joale ke t̄sepa Morena Jesu a tla ekeletsa mahlohonolo a Hae lipalong tsa Mantsoe ana. Ka ho bona seo, Paseka, joalokaha ke e tempile pelōng ea ka e le kōpano e khōlōhali, kapa e le ketsahalo e khōlōhali ea e—selemo.

<sup>27</sup> Ke batla ho le kōpa ho nt̄šoarela nakoana. Na ntho eo ha e utloahale e le kharumela kantle mono, e batla e rora? Na e itōketse? Na le e utloa hantle joalo? Oh! Ha le utloe. Na e betere, joalo? Ke ne ke sa batle ho atamela haholo.

<sup>28</sup> Joale, lebaka la ka ho rialo, ke hobane seo, Peseka, O pakile seo Bibele e se buileng. Lengolo lohle le ngotsoeng ka Eèna ho le etsa, O tiisitse BoMessia ba Hae ha A tsohile bafung, tiiso ea Paseka. Re bua haholo ka eona kajeno, hoo, ho reka litiiso tsa Paseka. Be, hoseng hona ke batla ho bua ka: *Tiiso Ea Paseka*. Ke tiiso e fapaneng le eo re e rekang ka chelete ea rōna, tiiso e manehoang mangolong, ke a kholoa, nqa Mokhatlo Oa Lefuba kapa seo ba bitsoang sona. Ke—ke kholoa tiiso ena e batla e le tiiso e fapaneng. 'Me Paseka ka ho ba letsatsi le leholo la selemo ho rōna Bakreste ba ipitsang bana ba Molimo, ke batla ho leka ho e qhaqha ho bona kamoo re tlamehang ho kena setsoalleng le ntho e khōlō ena eo Kreste a re etselitseng eona.

<sup>29</sup> Lentsoe la Molimo le boletsoe lilemo tse ngata, makholo a mangata le pele A Fihla, ka thakhiso ea Hae, le ka lefu la Hae, le ka mahlomola a Hae, le ka tsoho ea Hae. Re tla haola le litšebeletso tsen, mohlomong, veke e tlang, re sa mametse mananeo a rōna—rōna a diradio, le likerekeng tsa rōna, 'moho le balisa ba rōna, le ba joalo, veke e tlang ena.

<sup>30</sup> Empa hara matsatsi ohle le lintho tseo Jesu a li entseng, ruri re ananela boitsebiso bohole ba Hae ba Lentsoe la Molimo le seo A se entseng ho Le phethisa: ka ho folisa bakuli, ho tsosa bafu, ho leleka batemona, ho bolella mafutsana Evangel, le ho phethahatsa Lentsoe ka leng leo Molimo o boletseng A tla le etsa mohla A t̄lileng; le ho utloa bohloko ka baka la libe tsa rōna, sebakeng sa rōna, e tle e be moemeli oa sebe, sefapanong, e ke ke ea etsoa ke osele haese Eèna. Empa holim'a tseo tsohle, ke kholoa Paseka e tiisitse ntho eohle.

<sup>31</sup> Hobane, baporofetya ba hlahile lefatšeng, ba porofetile pele ho Eèna. Baporofeta ba fihlile lefatšeng, ba folisa bakuli, esita le ho tsosa bafu, ba etsa tsona lipontšo tseo Jesu a li entseng.

<sup>32</sup> Empa Paseka e kholisitse. E tiisitse Lentsoe la Molimo kamehla, ho molumeli oa sebele. T̄sharelo eohle le pelaelo li pshatiloe, hoseng hoo ho bokoang. Motho o ne a koaletsoe, ka mokhoa oa teng, tlung ea chankana, esita le batho ba borapeli pele ho letsatsi lena, hobane ba ne ba...bone metsamao e meholo ea borapeli, le motsamao oa Moea o Halalelang, le tse

joalo. Empa enereha motho a shoa, eaka ho felile. Empa mohla Enoa a tlileng, le ho re, "Ke na le matla a ho bea bophelo ba Ka fatše; Ke na le matla a ho Bo nyolla hape," le ho tloha a kholisa seo A se boletseng, ho 'na, eo—eo ke tiiso ea eona, ha—ha ntho e boleloa e ntoo hlanoloa e kholisoa.

<sup>33</sup> Haeba monna a buile, joaloka Columbase, a lumetse hore lefatše le khilikoe, 'me a bone likepe, ha re bolelooa, kamoo li kenang kateng, 'me o bone thupa ea sekepe pele a bona sekepe. 'Me e mo kholisistse ka bokhilikoe ba lefatše. Batho ha ba e lumela letsatsing leo, empa e ne e le monna oa pono. O tsoile a kholisa pono ea hae hantle, hore e ne e le 'nete.

<sup>34</sup> 'Me Molimo o ile oa rera ho kholisa Lentsoe la Oona, e le 'Nete. Ka hona Oa... Monna ea khonneng ho e phethisa a le mong feela, 'me e le Jesu. 'Me O tlide a kholisa hoo e le 'Nete. E ile ea e tiisa. 'Me hoo ho pshatlide litiiso tsohle tsa tšarelo, ho phahla e—e litumelo-khoela tsohle tsa marapeli a mang, le tse joalo, athe ho hlahile banna ba boletseng lintho tse khōlō, tse makatsang; empa bao, e mong le e mong, o lebitleng. Empa borapeli ba rōna ba Bokreste ke bona feela bo sii leng lebitla le feela. 'Me ho 'na hoo ho Mo kholisa e le Molimo oa ba shoeleng, le Molimo oa ba phelang, ha A khonne ho tsosa bafu, ba boele ba phele. 'Me ke... matla ana a rolofatsang, Moea oa Oona o rolofatsang, o Mo kholisitse lilemong e le Eèna Ea ka rolofatsang ba shoeleng, ba boele ba phele.

<sup>35</sup> 'Me mohla A neng a kholisa ka tšepiso ea Hae, matla a maholo ana A hae a hapang, ka Paseka O kholisitse A ka hapa lefu, lihele, le lebitla. "Ke na be ke shoele, 'me ke boetse ke a phela, le ho phela kamehla; ke tšoere linotlolo tsa—tsa lefu, lihele, le lebitla." Polelo e—e kakang ho etsoa ke mang feela. 'Me ha A e bua feela, empa O se a kholisitse A—A tšoere seo A itlalehileng sona.

<sup>36</sup> 'Me ke a nahana, Molimo akōfisa letsatsi leo ho rōna, mohla Bakreste ba rōna ba lumelang Bibele ena, re ka kholisang seo re buang ka sona. Le a bona? Ke sona se etsang, joalokaha ho boletsue nakoana e fetileng, "Letsoai la lefatše," khaitseli o boletse. Ke hantle. Lefatše le batla letsoai lena. Le mohla re ka kholisang ka maphelo a rōna, le ka Bibele, maphelo a rōna a ka nètefatsa Lentsoe leo le phela kajeno, seo re shebeletse letsatsi leo.

<sup>37</sup> Lentsoe... "Moea ona," Baroma 8 eo mono: 11 e itse, "'Me ha Moea ona o tsositeng Jesu Kreste bafung o ahile ka ho lōna, o tla rolofatsa le 'mele ea lōna e shoang." Ha A ka a Mo kholisa feela, ho rōna, E le Jehova Molopolli le hoba o ruile matla holim'a lefu, lihele le lebitla, empa O boetse o re file katamelo ho Moea oo, le rōna re tle re hape kholiso e reng re phelisitsoe ke Moea oo. 'Me ha Moea o tsositseng Jesu bafung o ahile 'meleng oa lōna, O tla rolofatsa le 'mele ea lōna e shoang. Joale, lentsoe *rolofatsa* le

bolela “ho phela ka morao ho lefu.” Ka morao ho lefu la oona, o tla phelisoa.

<sup>38</sup> Lefatše le ne le hlahletsoe pelaelong, mengoaha e mengata ho fihlela lekhathe leo. Hona ho kholisitsoe, ha ho a boleloa feela, empa ho kholisoa. Ho ea ka monahano oa ka ntho efe e bohlokoa . . .

<sup>39</sup> Joaloka ha Jesu a boletse, “E-eang ke hona, le rute lichaba tsohle; le ba kholise, ka ho bonahatsa matla a Molimo ho bona. Mehlolo ena e tla teela ba lumelang hare.” Bao ba tsepisang ‘me ba itlaleha ba lumela, O re file kutloisiso ea eona ea makoma, e reng, “Mehlolo ena e tla teela ba lumelang hare.” E tla ba kholiso ea maipolelo a bona. Joale, re ka ipolela re re re a lumela. Empa ho fihlela re tšoere pontšo e kholisitsoeng eo A e tlalehileng e tla lula holim’ a rōna, re *ipolela* balumeli feela, ha re balumeli *baamoheli*.

<sup>40</sup> Hoba, le hopole . . . Matsatsi a ’maloa a fetileng, ha ke mametse e—e lenaneo la radio la KAIR tlase Tucson. Moreri enoa a eme khahlano le rōna, ho thoe, “Borapeli ba pentekosta ha se letho haese sesomo feela. Ho ne ho le . . . Bo se ke ba mameloa. Ha bo a tsitsa.” Le ho re, “Motho ofe ea buileng ka lipuo, le lintho tsena, le ho itlaleha, a folisa bakuli, le joalo, ka thapel, ho sutheloe hole le eona. Le ho rapella batho bao ba rusolotsoeng, ha thoe hobane ba e—e thetsitsoe, phoso e teng ho bona.” Oh, nka be ratile hakakang ho qoqa le moena eo nakoana! ’Me o boletse hobane . . . “Ha thoe, e filoe baapostola feela ka Letsatsi la Pentekosta, ke ho fela.”

<sup>41</sup> Ha ke re pha, lilemo tse mashome a mararō hamorao, Pauluse a ōmēla lineo tsena Kerekeng. Ho Bakorinthe ba Pele 15, ho thoe, “O beile Kerekeng neo ea ho bua ka lipuo, mehlolo. ’Me ha hlomamisoa lineo tse ling tsena tsohle ka Kerekeng.”

<sup>42</sup> Jesu o boletse. “E-eang ka lefatše lohle le rerele ’mopua e mong le e mong Evangeli.” Bohole bo bokae? “Lefatšeng lohle.” Ho mang? “”Mopua e mong le e mong.” Le joale ha ba eso E amohele. “Mehlolo e tla teela ba lumelang hare ke eona ena.” Nako e kae? “Ka lefatše lohle.” Ho mang? “”Mopua e mong le e mong. Mehlolo ena e tla ba teela hare, lefatšeng lohle, le ho ’mopua e mong le e mong. Mehlolo e tla ba teela hare ke eona ena: ka Lebitso la Ka ba tla leleka bademonia; ba bue lipuo tse ncha; ha ba noele ntho e bolaeang, kapa nōha, le ha ba noele ntho e bolaeang, e ke ke ea ba ntša kotsi; ba tla bea bakuli matsoho, ’me ba tla fola.” E ne e le thomo ea Hae ea ho qetela ho Kereke, Mareka khaolo ea 16.

<sup>43</sup> Pauluse o hlomamisa lineo tsena Kerekeng, lilemo tse mashome a mararō hamorao. Le ho bolela, ho Bagalata 1:8, “Ekare ha Lengeloi le tsoa Leholidōng le le bolella Evangeli eseles ho Ena e seng e amohetsoe” le a bona, e seng e boletsoe, “le rohakoe.” Ke a lumela pentekosta e qala e sa felle. Ke a

lumela e etselitsoe 'mopuoa e mong le e mong, ka linako tsohle, litulong tsohle, pentekosta e tlameha ho sala e le teng kamehla. Mahlohabolo a pentekosta a tlameha ho lula holim'a batho.

<sup>44</sup> 'Me joale, lehlohonolo lena la pentekosta ke eng? Ke thasisetso ea tsoho. Ha ho makatse ha Evangel boEona e bolela "litaba tse molemo." Litaba tse molemo tsa eng? O tsohile bafung. "Erekaha Ke phela, le lōna le phela ke hona." Lōna le na beng le shoele sebeng le littolong, Molimo o re rolofalistse 'moho, ka Moea oo o tsositseng Jesu bafung. 'Me re lutse 'moho le Eèna joale libakeng tsa Maholimō, ho lalla le Eèna, ho qoqa le Eèna. Ha se le thabo ho bolella batho pale eo, ba e lumelang e le 'Nete!

<sup>45</sup> Ke a ipotsa, kajeno. Ka se etsahalang. Na ebe re fihlisa batho ho Molimo, kapa re ba fihlisa kerekeng feela? Re tšoanelia ho ba fihlisa ho Kreste, matleng ana a rolofatsang. Ho kena kereke ho molemo. Ehlide. Haeba re tsamaea bohole boo feela, ha se bohole bo lekaneng. Ha u tla kerekeng, ho hotle; empa tsoelapele ho Kreste, ha utsoa kerekeng, hobane re tšoanelia ho amohela matla ana a rolofatsang, haeba re lebeletse ho kena tsohong eo ea bohole, hoba e le eona feela ntho e tlang ho re ntša bafung le ka mohla. "Ha Moea oona o tsositeng Jesu bafung o ahile ka ho lōna, O tla rolofatsa, ho etsa, ho tsosolosa 'mele ea lōna e shoang." Ke tsepiso e kakang ho rōna!

<sup>46</sup> Joale lemohang. Oona motso oa tsoho ena ke ho bolela le ho supa, le ho kholisa hore Jesu o tsohile bafung. Ha A shoa. O a phela. O phela mona. O ka ho rōna. "Ke tla ba le lōna, esita le ka ho lōna. Ho se ho se ho kae 'me lefatše ha le sa tla Mpona. Empa, lōna le tla Mpona, hoba Ke tla ba le lōna, le ka ho lōna, ho isa bofelong ba lefatše."

<sup>47</sup> Joale, joaloka Bakreste, bohole re Mo tlaleha a phela, kapa re rolofalistsoe ho tsoa—rolofalistsoe ho tsoa bophelong... ho tloha lefung ho ea Bophelong, ka Moea oa Hae. 'Me haeba re eso rolofalistsoe, ha re a phelisoa.

<sup>48</sup> Joale re tla kenella sehlooho sena, ha Morena a ratile, le ho e ruta metsotso e 'maloa, kamoo: na re rolofalistsoe, ebe hoo ke 'Nete ho rona na?

<sup>49</sup> Joale, bona ke bophelo ba hao, bona ke bophelo ba ka. Ke hona moo e... Haeba sena e se 'Nete, seo ke leng mothating oa ho se bua, ke tla be ke le se seng sa lithoto tse fetisang lefatšeng. Ke nehetse bophelo ba ka ntho ea lefeela, le lōna le hape. Empa haeba e le 'Nete, ke molato oa sohle seo ke leng sona. Ke molato oa sohle seo nka bang sona, tseleng ena, eo re e emetseng. 'Me ke nahana re sa tšoanelia ho lahleheloa ke tjantjello ea rōna.

<sup>50</sup> 'Me ha re bona Paseka e atamela, e sebetsa ho hong tlase ho 'na, kaha ke—ke tseba e le letsatsi leo ntho ena e kileng ea tiisoa kamehla, pontšeng ea Molimo.

<sup>51</sup> Joale, re a lemoaha, ke oona Moea o Mo tsositseng lebitleng, o ahile ka ho rōna. Joale, hoo ho ka ba joalo joang? Moea o tsositseng, Molimo, Jesu bafung, o ikahetse ka ho rōna.

<sup>52</sup> Joale, joale, ke Moea o rolofatsang. Ha se Lentsoe le rolofatsang. Ke Moea o rolofatsang Lentsoe, kapa o neang Lentsoe Bophelo, ho Le melisetsa mapheo ho fofa, ho Le hlekela tsela. Ke Moea o etsang hoo.

<sup>53</sup> Joale, koro, e inotši, ke koro feela; empa ha bophelo bo rolofatsang bo kena ho eona, ho koro, bo e nea bophelo. 'Me rōna ba neng ba shoele, ba entsoe ka setšoantšo sa Molimo, feela re shoele sebeng le tlolong, Molimo o no o tlamehe ka mokhoa o itseng ho kenya Bophelo bo rolofatsang bona 'meleng ea lōna e shoang. Ke bua ka 'mele oa hao.

<sup>54</sup> Joale, Jesu e ne e le Lentsoe. Le lumela seo, ha ke re na? [Phutheho e re, "Amen."—Mohl.] "Tšimolohong . . ." Santa Johanne 1, "Lentsoe le ne le le tšimolohong, Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna."

<sup>55</sup> Joale, joaloka Messia ea tšepisitoeng, O ile a rolofatsa Lentsoe ka leng le porofetileng hoba O tla se etsa; ho folisa bakuli, le kamoo A tlang ho tsoaloa ke moroetsana, hoo hohle, ho e etsa. Ke 'nete. E ne e le Lentsoe, le bonahalitsoeng mona lefatšeng, empa O be a ka sitoa ho phethisa sena e le Monna feela. E qositse Moea oa Molimo, o ahileng ka ho Eèna, ho Mo rolofaletsa litšepiso tsena. Ke tšepa re e fumana ka ho hlaka joale. Jesu, ka ho ba Monna, ka Seqo, 'mele, empa ho qositse Moea o leng ka ho Eèna, Moea. "Ha se 'Na ea etsang mesebetsi. Ke Ntate oa Ka ea ahileng ka ho 'Na. Ke Eèna ea etsang mesebetsi." Le a bona? Jesu ka Seqo e ne e le Lentsoe, hobane E ne e le . . . Pele Molimo . . .

<sup>56</sup> Lena ke lentsoe le lebe ho le sebelisa, 'me ke a tšepa le le nka ka tšoanelo, ka pel'a letšoele. Empa O ne a reroepele ka boitsebelopele ba Molimo, kamoo leano la Molimo le neng le tla sebetseha kateng, kamoo O nong o tla romela Molopolli, 'me Molopolli enoa e ka ba Mora oa Oona ka Sebele. Ka hona, ha ho le joalo, eo e ne e le tšepiso ea Molimo, ho qala koana tšimong ea Edene, ho boletsoe Jesu a tla fihla mona. E ne e le e enoa joaloka ka Monna, ea tsoetoeng ke moroetsana, empa ho qositse Moea oa Molimo ho Mo rolofaletsa Lentsoe leo. 'Me E ne e le Lentsoe, le rolofaltsoeng, Lentsoe le rolofalelitsoeng hora eo. Ha fihla mohla u tlamehang ho fumana Molopolli. Molao o hlöhile. Lintho tse ling li hlöhile. Joale, e qosa Molopolli, 'me E ne e le Molopolli ka pallo. O ne a rolofatsoe ka Lentsoe la Molimo.

<sup>57</sup> 'Me joale efèla ha Moea oo o nong o ahile ho Eèna ho ba Molopolli mongoaheng oo, joale haeba re amohetse tšepiso ea oona matsatsing ana a qetelo, se neng se tla etsahala; haeba u fetoha karolo ea Lentsoe leo, u lopolotsoe le Eèna 'moho,

hobane oona Moea o nong o ahile ho Kreste o ahile ho uena, ho rolofaletsat bophelo ba hao mongoaheng ona. 'Me O tla boela hape, nakong ea qetelo, o rolofatsa mebele ea lōna e shoang, ho e tsosa, ho e nyolla hape. Haeba re e sheba joalo e leleka ho tepella. 'Me eo—'me eo ke 'Nete. Le a bona?

<sup>58</sup> Baroma mona, Pauluse o re kholisitse eona. Le a bona? "Ekare ha Moea o tsositseng Jesu bafung o ahile ho lōna, O tla rolofatsa mebele ea lōna e shoang." Ona ke oona Moea o Mo tsositseng, o rolofaletsang molumeli oa sebele Bophelong Bosafeleng. Moea o tsositseng Jesu bafung o ahile ho molumeli, o rolofaletsat molumeli Bophelong Bosafeleng.

<sup>59</sup> Bophelo bo bong feela, Moea o le mong oa Bosafeleng, Bophelo Bosafeleng bo le bong, 'me ke Molimo. Molimo, o inotši, ke Bosafeleng. 'Me rōna, erekaha re le bana ba Oona, re karolo ea Oona, ke ho re, bokhethi ba mohopolo oa Oona. 'Me mohopolo ha o tolokiloe o fetoha lentsoe. Ka hona, e mong le e mong ka mona, ea ruileng Bophelo Bosafeleng bona, o ne a le teng pele lefatše le theoa, mohopolong oa Molimo. Ho ne ho ka ba joalo feela, hobane u bokhethi. Bona ke ha mohopolo o toloko, bo fetohile Lentsoe; 'me Lentsoe le nkile Bophelo, 'me ke la Bosafeleng. Ke ka hona re ruileng Bophelo Bosafeleng. Ka ona mola o tśoanang le oa Mora e moholo oa Molimo, Molopoll; re fetoha bara le barali ba Molimo, ka oona Moea oo, ka bona boitsebelopele boo ba Molimo.

<sup>60</sup> Shebang limilione holim'a lefatše tse sa kang tsa Le amohela mehleng ea Jesu mona. Empa re tlameha ho leboha hakakang hoseng hona, ho tseba hobane re tśoere bopaki bo hlamaletseng le likholiso tsa Bibe, tse reng re kenyelelitsoe hoseng ho hoholo hoo ha tsoho ho tlang ho tla, Paseka e khōlō eo. Re ruile tebeletso ea eona, hona joale mebeleng ea rōna e shoang. Ba reriloeng pele ke bona ba pele, ehlile, ba tlang ho rolofatsoa, mohla Moea o Halalelang o tlang ho tseka ling tsa Oona.

<sup>61</sup> Joale, e teng polelo e khōlō, 'me ke batla baena besō ba bareri ba leke ho utloisia taba ena. Le a bona? Tśimolohong, Molimo, Moea o moholo, E ne e se le "Molimo" mehleng eo. E ne e le Mohlōlehi. *Molimo* ke "tlotla e rapeloang." A se na letho ho Mo rapela. Ho se—ho se Mangeloi, ho se letho. Haese Molimo o inotši, Oona o inotši, ke Mohlōlehi. Empa, hore e tle e be Molimo, ntho e ne e tlameha ho Mo rapela, eaba O bopa Mangeloi, le Libopiloeng, le Likerubime, le lintho tse joalo, ho Mo rapela. Leano la Oona le leholo le qala le utulōha.

<sup>62</sup> Empa le hopole, lōna, ka—ka seemo sa lōna sa joale, hoseng hona, haeba u no u sa lula mohopolong oa Oona mohlang oo, u ke ke ua khona joale. Hobane uena, likarolo li teng tse ahileng ka ho uena, tsa Bosafeleng, 'me Bosafeleng ke ba Molimo o inotši. 'Me ka ho Molimo e ne e le mohopolo oa Oona ho u bona u lutse hantle moo u leng teng joale. Mohopolong oa Oona, ke ne ke eme

sefaleng hoseng hona, hobane Ke mohlokapheletso 'me o tseba lintho tsohle. Ka hona O be a ka bolela qetello e sa le qalong, hobane ke Mohlōlehi. 'Me uena, ka ho ba mora oa Molimo kapa morali oa Molimo, u ne u le mohopolong oa Oona tšimolohong.

<sup>63</sup> 'Me mohla Moea o Halalelang ha o fihla, holim'a lefatše, u ntse u itsamaela hohle mona joaloka moetsalibe, ntho e teng tlase botebong ba bophelo ba hao. Ha u tsebe se etsahalang, empa u lapile. Ke utloile moena oa Presbeteriene; ke utloile e—e Mobaptise a bua taba, motšeо mane, e ne e le e—e moFreewill Baptise, a rera moo a ka khonang. Moena oa hesō, hore uena, ntho e teng ka ho uena, ntho eo u sa e hlomang ka mono. Ha se ntho eo u nong u ka lakatsa hore e lule ka mono. Ke ntho e khahlano le tlhaho ea hao ka sebele. Ke boitsebelopele ba Molimo, bo sebetsang, Lentsoe la Molimo.

<sup>64</sup> Joalokaha Jesu a tsoetsoe e le Mora oa Molimo, ho ba Emmanuel, ponahatso e tletseng ea Molimo ka ho Monna. 'Me O Mo fihletse kutlong e tletseng, tlase Nōkeng ea Jordane, a ntse a kolobetsoa ke moporofeta eo. 'Me hang hoba A Mo utloe, a tsoa metsing, Maholimō a phetleloa Johanne. A bona Moea o Halalelang o theoha Leholimōng, ho thoe, "Enoa ke Mora oa Ka ea ratoang." Le a bona? Kutlo e tletseng, Moea o nong o Mo qoholotse, ka kutlo.

<sup>65</sup> Oh, uena monna kapa mosali ea khopo, hoseng hona, haeba u lutse mona, 'me ntho e ka ho uena e re Sena se lōkile, ke Moea o Halalelang o u qohollang, ho u fihlisa tsebong ea 'Nete ea hora ena eo re phelang ho eona joale, ha se hora e itseng e fetileng, hora ea joale.

<sup>66</sup> Likete mono li ne li mametse hora e fetileng. Empa ho ne ho fihlile hora ea lekhathe-le-joale, e le hora eo Jesu a ne a tla hlaha ka eona, 'me Lentsoe le ne le eme mono. Batho ba ne ba eme mono. 'Me ponahatso ea Molimo e le ena e etsahala, ho nētēfatsa hoo hoba e ne e le 'Nete.

<sup>67</sup> 'Me joaloka batho ba pentekosta, kajeno, be butleng ke bue sena, re eme matsatsing ana a qetelo moo Molimo o tšepisitseng O tla tšela nama eohle ka Moea oa Oona, ho be ho porofete bara ba Oona le barali. Hoba O boletse, "Mehlolo e tla teela ba lumelang hare ke eona ena." Ke hora eo. Ke sona se etsang popo eo ka ho uena.

<sup>68</sup> Joalokaha ke buile mona, nakoana e fetileng, e utloahetse e thunthetsa borapeli; empa ke tšepa e se joalo, ho lōna, hoseng hona. Mopolasi o kile a alamisa lehe la ntsu, kapa a alamisa sethole sa khoho, a thotse lehe la ntsu. Bongata ba lōna le hopola pale eo ea ntsu ea khale e qhotsang e—e sena . . . Kapa, sethole se qhotsang tsuanyana ena mona, kapa—kapa—kapa lehe la ntsu le suntsoeng tlas'a masiba a khoho. Le a bona? Ke atemosefere.

<sup>69</sup> Kereke ea Presbeteriene, kereke ea Methodise, kereke ea Baptise, efe ea tsona e ke hlahisa lintsu tsena. Ehlide.

Atemosefere ke eona e sebetsang. Joaloka Ngk. Bosworth a ne a tloaetse ho bua, "U ka tšoara lehe la khoho oa le bea holim'a... tlas'a mootloana, oa o tlama, mootloana o tla qhotsa tsuanyana." Hobaneng? Ke atemosefere. 'Me kereke efe kapa sehlopha sefe se ka phuthehang 'moho, 'me sa rapela ho fihlela se lahlela lihlomathiso le lintho hole, le ho sheba sefahleho sa Molimo ka kotloloho, e tla hlahisa litsuanyana tsa ntsu ruri joalokaha ke eme mona.

<sup>70</sup> Ke hopola sehlopha sena sa borakhoebo se entse hoo, ho leka ho pshatla atemosefere. Re ntse re hoama ho bora-seng. E mong ke setho sa *sena* le *sane*. Ha re pshatleng atemosefere re hapele atemosefere lingalong Maholimō. Le hlophise atemosefere hantle, lintsunyana li tla qhotsoa, le—le ho tsoa kerekeng efe, hohle.

<sup>71</sup> 'Me ntsunyana ena ea ipapisa le khoho nako e telele, empa e—e ho kakatletsa ho batla ho hlolla. E ne e sa utloisise puo ea khoho ha e fata e—e—e hlaba ea moiteli ka—ka litšeng. 'Me e ne e se lijo, tsa eona. 'Me e ja liboko, le lintho, tse sa jeoeng ke ntsu. E bonahala e hlolla, eohle, ho eona. 'Me e le khongoana ea lefejana; eona, ha ke e bue ka ho thunthetsa borapeli, e ka e ne e le mo-Freewill Baptise, 'me, empa ntho ea mohlalhoe oo, kapa Mopresbeteriene.

<sup>72</sup> Empa, le a tseba, letsatsi le leng 'mè oa eona a tseba hobane o alame lehe. Ngoana a tlameha ho ba nqa e 'ngoe. Eaba o sohlemetsa liphukahali tsa hae har'a lifefo, ea fuputsa ea ba ea fuputsa, e hlaba mokhosi ka lentsoe lohle la eona. 'Me letsatsi le leng, ea haola holim'a setša seo. Ntsunyana ha e utloa mohoo o tloaelehileng ona, e-so o utloe pele, empa ea o lemoha o e lekana sa seatlana holim'a letsoho. 'Me ea tseba hoba ke 'mè oa eona. A tseba hoba ke mora oa eona. O ne a 'matla.

<sup>73</sup> Le Molimo o e entse, mongoaheng o mong le o mong, o tlotsitse Kereke ea Oona bakeng sa mongoaha oo, Molaetsa oa mongoaha oo. Ba ka boloka melao eohle le sohle seo ba se batlileng. Empa hora eo ha e fihlile, Moea o Halalelang oa Molimo, o nong o le tšimolohong o ile oa hopola oa buella mongoaha oo, Moea oo o tsoma lehe leo. 'Me ha a utloa Molaetsa oo, ha ho mokhatlo o tla mo khina. E tla phahamela liphahameng. E tlameha ho ea. Ke nonyana e fapaneng. Ke sebopuo se fapaneng. Ke ntsu, 'me e tla utloa mokhosi. "Linku tsa Ka li utloa Puo ea Ka."

Joaloka motho ha a buile, Moena Williams, "Lijo tsa Linku."

<sup>74</sup> "Linku tsa Ka li utloa Puo ea Ka. Osele li ke ke tsa mo latèla." Ho sa tsotolehe kereke e tšepahetse hakae, le boholo ba lebitso la eona. "Linku tsa Ka ha li utloa Puo ea Ka," e leng Lentsoeng, "osele li ke ke tsa mo latèla." Ba toba Lentsoeng leo ka kotloloho, 'me ba ka e etsa. E tšoana le e—e—e makenete.

<sup>75</sup> Letsatsi le leng, holimō Indiana, ha ke etetse maloala a setala, phala ea letsoa. Mang le mang a khoesa liaporone tsa bona, ba qala ba fiela e . . . lithole tse tsoang mechining ea bona, ho olloa mokatong o hare, makumane a letsatsi leo. 'Me ka haola le monna oa lesupatsela, a re, "Sheba sena." 'Me monna e mong le e mong a lahlela mose oa hae—ntho ea hae holim'a e—holim'a tafole, ba ikela.

<sup>76</sup> Motšeо morao koana, a khoatha konopo. Eaba ho bitoha makenete o moholo, oa hohela sekotoana sefe le sefe sa tšepe se kumehileng, joale, oa ntoo tsoa. Oa hakolloa makenete; oa e lahlela potoaneng. Ea boela ea qhibilisoa bocha, ho etsa sekotoana se seng sa—sa lithepa, ntho e tšoanang, e leng liase kapa seo ba se teileng.

<sup>77</sup> Ka ema mono ka e shebella, ho fihlela ke—ke lahleheloa ke botho ba ka. 'Me ka re, "Ke ntse ke ipotsa taba."

A re, "Ke eng, monghali?"

Ka re, "Ke bona tse ling li sa nyoloha."

<sup>78</sup> A re, "Ke aluminiamo, 'me makenete ha o hohele aluminiamo."

<sup>79</sup> Ka re, "Ke a bona." 'Me a re . . . Ka ntoo re, "Be, na u a lemoha, mono ho setse sekotoana sa tšepe."

"Empa, u a bona, monghali, e ne e tsetetsoe fatše."

<sup>80</sup> Ka re, "Ke a bona." 'Me hoba a o ntše, ka re, "Joale ebe ho etsahala'ng, ka seo kantle mane?"

<sup>81</sup> Ho re, "E busetsoa leloaleng, e tšolloa e feta potoaneng, e boela e tea lebili le leng."

Ka re, "Ho bokoe Morena!" Ke eona. Le a bona?

<sup>82</sup> Ho hlonngoe makenete o moholo leoaping, ka letsatsi le leng Molimo o tla o tobetsa ka menoana ea Hae. Ha ho ea tsebang mohla A tla Khutla, esita le Mangeloi a Leholidmō, ha a tsebe. Molimo o tseba o inotsi. Empa makumane a mang a teng a khephotosoeng Bibeleng, Bakreste ba Bibele, balumeli ba hora ena. Ekaba e mong oa bona e ne e le ase motšeо koana letsatsing le leng. *Ena* ekaba karolo e 'ngoe. E ntšeletsoa ho tea lebotho le leholo la Molimo. Empa e tla bopelloa pitseng ea folenje e khôlô ea Molimo, ho boela e tšolloa ho fetoloa litšoantšo tsa Molimo. 'Me ho tla nyolloa ba loheletsoeng makenete feela. Oh, kamoo ho . . . Ke monyetla o mokakang, ho tseba hobane ntho e teng tsohong e amanang le rōna!

<sup>83</sup> Joale, lemohang, ho elelloa pitso ea Lentsoe la Molimo, etsoe e le karolo ea eona. 'Me ke ntsu ho ntsu. Joale, holane 'mè eo a hlaba mokhosi oa e—e letlaka, ekabe e sa o tseba le ka mohla. E ne e tla be e itōketse ho itšalla setšeng seo. Empa e ne e le mohoo oa ntsu. Ntho e ne e ahile ka ho mothoana eo, e tsebile hobane ke ntsu.

<sup>84</sup> 'Me ho lutse joalo le ka molumeli ka mong oa sebele. Mohla therō ea Lentsoe la Molimo e hlahang, e nètefatsoa e kholisoa ho ba Lentsoe la Molimo la hora ena, e teng Ntho ka ho molumeli. Ha ke tsotelle botšepehi ba ntatae kerekeng, kapa botšepehi ba 'mè oa hae, kapa baholo-holo ba hae, haeba kereke eo e ruta khahlano le Molaetsa oa hora ena oa kolobetso ea Moea o Halalelang. Ntho e teng ka ho eèna e hlabang mokhosí. O tla falla setsheng seo. O tlamehile joalo. Ekaba khoho e ne e lòkile letsatsi le leng, empa ena ke hora ea ntšu. Le a bona? E—e fapane. Ntho e teng, eo, o tšoanelo ho falla seqhobong seo sa khale ho rurela boputsoeng ba leholimō. Ebe moo 'mele ona oa lefatše o rolofatsoang le ho beoa, ka Moea o rolofatsang, tlas'a kutlo ea Lentsoe la Molimo.

<sup>85</sup> Joale, Moea o Halalelang, o bapisoa le ntsu e fofang holim'a naha, o fumana molumeli. "Ha ho ea ka tlang ho 'Na, ha ho ea ka tlang ho 'Na ka ho rata ha hae. Bohle bao Ntate a 'Neileng bona ba tla tla ho 'Na, empa ha ho ea ka itlisang." Hase mohopolo oa hao ka sebele, khulo ea hao ka sebele. Ke Molimo, o hulang. Le a bona? "Bohle bao Ntate a 'Neileng bona ba tla tla ho 'Na."

<sup>86</sup> Joale, Moea o Halalelang o teng mona lefatsheng, ho batlana le bao Molimo o ba tlotselitseng Bophelo mongoaheng ona. 'Me hang ha O e fumana, O sebetsa seo o se sebelitseng holim'a Jesu Kreste, Mora e moholo ea phahameng oa Molimo Ea re lopolotseng bohle. O a theoha 'me O nka malulo a Oona bophelong ba motho, joale, lemoha, ho hlahisa matla a rolofatsang. Joale, matla a rolofatsang ao a theohetseng holim'a Jesu a Mo rolofaletsa ho bonahatsa tšepiso ka 'ngoe ea Lentsoe la letsatsi leo. Ho a tšoana le ka Moea o Halalelang o theohelang holim'a röna letsatsing lena, haeba e se sesomo sa moea o halalelang, haeba e se diabolosi ea somang Moea o Halalelang, empa e le oa 'nete, Moea o Halalelang oa makoma. O tla bonahatsa tšepiso ea hora ena.

<sup>87</sup> Mohla O nong o tšeloa holim'a Luther, O bonahalitse tšepiso eo ea hora eo. Mohla O nong o tšeloa holim'a Wesley, O bonahalitse tšepiso ea hora eo. Mohla O nong o tšeloa letsatsing lena, O bonahatsa tšepiso ea hora ena. Mohla O nong o tšeloa holim'a Moshe, O bonahalitse tšepiso ea hora eo. Ho tšeloa holim'a Nohe, O bonahatsa tšepiso ea hora eo. Mohla O nong o tšeloa holim'a Jesu, O bonahatsa tšepiso ea hora eo. Le a bona?

<sup>88</sup> Ke Moea o Halalelang o theohang, ho rolofatsa, ho tsosolosa batho bao Molimo o ba reretseng ho kenela Hloibilo. Lemohang. Ke hore, haeba e le ntsu ea makhonthe, o tla utloisia Molaetsa oa hora haeba e le ntsu ea makhonthe. Joale, mohlomong ntsunyana, kahar'a setša, e ne e ja hamonate, empa e—e tseibile ntho eo e sa loka hantle feela. Empa eareha e utloa 'Nete, ea amohela 'Nete ena. Joale, ho Johanne 14 . . .

<sup>89</sup> Johanne 5:24, ke rialo, Jesu o buile, ho bua ka tsela ena, “Ea utloang Mantsoe a Ka, ’me a lumela ho Ea Nthomileng, o na le Bophelo ba kamehla, ’me a ke ke a tla kahlolong, o mpa a tlohile lefung ho kena Bophelong.” Le nahane feela kamoo e leng bobebé, “Ea lumelang.” Joale, tsela e lōkileng ho e bua, “Ea utloisisang.”

<sup>90</sup> Joale, ha u tsoela seterateng mona u re bolella seotsoa sena, “U a lumela na?”

“Ehlile.”

“U a lumela Ke Mora oa Molimo?”

“Ruri bo.”

“U kolobelitsoe?”

“Ehlile.”

<sup>91</sup> Ho theohela ho letahoá, ho re, “Na u utloa Seo? Ho utloa moreri eo ea rerang?”

“Yaa.”

“Na u lumela Seo?”

“Ehlile.” Le a bona?

<sup>92</sup> Empa, “Ea utloisisang, ea tsebang malulo a hae a hora ena, ea utloang Lentsoe la Ka ’me a lumela ho Ea Nthomileng, o na le” (lekhathé-le-joale) “Bophelo Bosafeleng. A ke ke a tla Kahlolong, empa o tlohile lefung ho kena Bophelong.” Ha Bophelo Bosafeleng bona bo bocha bo ahile ka ho uena, Ke setšoanelo, kapa tebeletso ea ho phelisoa ha hao ho tloha ho shoeng ho fallela ho se shoeng.

<sup>93</sup> Beang butle ke e phethe hape. Mohla Moea Ona o u fumaneng, u le motho ka bomong, ’me o theohetse holim’haao, Ke setšoanelo sa lefa la hao la Bosafeleng se reng Molimo o kile oa nahana ka uena ’me oa u etsetsa lona pele ho motheo oa lefatše. Ke setšoanelo sa hao.

<sup>94</sup> Ho tšoana leha u nkōpa sefate sa eike, ’me ke u nea hlaku ea arkona. Joale, e—e—e bophelo ba sefate sa eike bo kahar’ea arkona eo, feela u tlameha ho e emela ho hola.

<sup>95</sup> Le rōna re joalo. Ha u amohela Moea o Halalelang oa Molimo, Ke setšoanelo sa Molimo se u emetseng, se seng se u tšoailé. ’Me u tiisitsoe ke Moea oa tšepiso, oa Molimo, ho kena ’Meleng oa Kreste. Mohla Molimo o no o sheba tlase Kalvari o bona Jesu ea shoang, ha O a feela... O shoetse Monyaluoá oa Hae, ’Mele, e leng Kereke Lentsoe, Kereke e lumelang Lentsoe la Molimo bakeng sa mongoaha, e ka bang maoto a oona, ’mele, hlooho, leha e ka ba eng. Le a bona? Ke... Kreste o ne a fopha mali ’me a eshoa. ’Me Molimo, oa Mo talima, oa bona tsoho ea Hae, le Kereke e tsosoa le Eèna ka Paseka.

<sup>96</sup> Joale, ke batla hore le tšoare sena sohle 'moho, hoba mona ke tšoere nthoana nakoaneng, ke batla ho bolela, ha Morena a ratile.

<sup>97</sup> Joale lemohang. Ke tebeletso, kapa setšoanelo. Matla a rolofatsang a tsoho ea hao, ha u amohela Moea o Halalelang, ka ho uena ho ahile, setšoanelo sa eona.

<sup>98</sup> Lemoha, joale u—u leetong la hao, u habile tsoho e tletseng. Ha ho sefate se melang ka bosiu bo le bong. Se tlameha ho hola, joalokaha re hola mohaung le tsebong ea Molimo. U kolobeletsoa ho Moea o Halalelang. Joale, joaloka Kereke ea pentekosta, e kolobeletsoang ho Moea o Halalelang, E qala e hola. Makala a shoele. Ba ne ba a hlaola. Empa Sefate se ntse se hola, se tsoelapele, hobane Se tlameha ho finyella tsoho.

<sup>99</sup> Ba tsamaisoa ke Moea, ho le phelisetsa lōna balumeli Lentsoe. Lentsoe le lula le rolofatsa, ha u fihla lekaleng la pele, lekaleng la bobeli, lekaleng la borarō, ho nyoloha joalo. Ha Le phetse ho 'na le rolofatsa feela. Moea oa Molimo ha o phetse ho u rolofaletsa hona.

<sup>100</sup> Lemoha seo, Pentekosta, mebele ea bona e ne e phelisoe ke Bophelo bo bocha boo ba bo amohetseng. Ke ikutloa ke khaphatseha borapeli. Nahana. Joale, banna e ne e le bana, batšoasi ba lihlapi, balekhetho, bathoana bao basali ba ikokobelitseng feela ba... e le bommalelapa feela, bananayana ba baroetsana. E ne e le balumeli. Ba lumetse sena e le 'Nete. Ba lumetse seo, mohla Jesu a na a eshoa (Ba lumetse ho Eēna.) le ho tsoha, bafung, ba lumetse hoba boo ke bopaki ba ruri ba Molimo, hore O ne a Mo pheliselitse bophelong.

<sup>101</sup> Joale, ba nyoloha, ho ea Letsatsing la Pentekosta, ho amohela abosetrakte. Na le tseba seo abosetrakte e leng sona? Ke mohla diti e hlaioletsoeng. Ba nyolohile ho amohela abosetrakte ea bona. 'Me ba phelisitsoe, kapa ha se le nyakallo! Ba ne ba rekile mobu; ba o reketsoe. Ba o amohetse.

<sup>102</sup> Ke 'nete kapa che? "Re Mo bone a tsoha, empa joale ho ka thoeng ka rōna? Re lipaki. Ra ema ra bona Monna a thakhisoa. Re bone maru a pupetsa lefatše a fifatsa leoapi. 'Me e—e lefatše la roromela la sisinyeha; methapo ea lona ea honyela. Ke mohla... Ba Mo sunya lebitleng. Ba Mo hlaba pelōng, ka lerumo, ba theola setopo sa Hae ba se khohletsa lebitleng la Josefa oa Arimathea."

<sup>103</sup> 'Me ba ntoo fumana, hore, ka letsatsi la borarō, O boetse a tsoha. 'Me joaloka morutuo ha a buile, "Rōna re lipaki tsa taba ena. Re Mo bone a tsoha. Re a tseba O a phela."

<sup>104</sup> Joale hoo ho entse'ng? Hoa leleka tšabo eohle. Ha ho makatse Jesu a boletse, "Se tšabeng. Ke na be Ke shoele, 'me ke phela ka mehla eohle." Le a bona? E lelekile tšabo eohle, ha ba ne ba etsa hoo.

<sup>105</sup> Joale, empa mohla ba ne ba nyolohela Pentekosta, teng ba amohetse matla a rolofatsang, matla a ba phelisitseng.

<sup>106</sup> Joale ke hona moo ke nahanang, lōna baena ba Presbeteriene le ba Methodise, le hlile e amohela setšoanelo ka ho lumella ho Morena Jesu Kreste, empa abostrakte le joale ha eso fihle. E leng ho hlaoleloa diti.

<sup>107</sup> Molimo o file Abrahama tšepiso. Abrahama o lumetse Molimo, 'me a balloa hona e le ho lōka. Empa A tiisa selekane ka tiiso ea lebollo.

<sup>108</sup> 'Me Molimo o u fa tšepiso, ka setšoanelo, ho e amohela, 'me u tla tsosoa, 'mele ona o tla tlotsisoa le Eèna nakong ea qetelo. Empa, le a bona, pele u tlameha ho hlekelo diti eo. 'Me tlhekelo ke mohla tsohle tse khahlano li hlakotsoeng, 'me u tšoere abostrakte ea eona. U tšoere tiiso. Ke ea hao. Sohle se holim'a eona ke sa hao. Amen.

<sup>109</sup> 'Me ha re lumella ho Jesu Kreste ho ba 'Moloki oa rōna, ho baka le ho kolobetsoa, le ho nyoloha ho Mo lumela; Molimo o elella pakø ea rōna le tumelo ea rōna nqa ho Oona, 'me o theola abostrakte. 'Me abostrakte ke tiisetso. Ke karanti e reng, tsohle tse kileng tsa koetloa khahlano le uena, u bakile ka botlalo. Alleluia! 'Me setša se rekiloe, 'me u tšoere tiisetso ea abostrakte.

<sup>110</sup> E re motho a leke ho u tlosa setšeng, a re ke sa hae, 'me u tšoere abostrakte letsohong la hao. A ke a leke feela. Ha ho molao o ka e phethisang naheng, hobane u tšoere abostrakte.

<sup>111</sup> 'Me ha ho diabolosi, ha ho kereke, kapa thutabomolimo efe, e ka parolang meeli ea abostrakte ea Molimo e kholisisoeng, e reng kolobetso ea Moea o Halalelang e re amohetse ka ho Jesu Kreste. Re tiile hakaalo ho tsoha joalokaha le Eèna a tsohile, hoba ka setšoanelo re se re tsohile ka ho Eèna. Amen.

<sup>112</sup> Lintho tsa khale. Hoo ho etsa'ng mebeleng ea rōna e shoang? Ho fetola monahano oa hao, ho fetola likakanyo tsa rōna. Ho tsepamisa likhahleho tsa rōna linthong tse Holimō. 'Me ho tsuba, ho noa, ho mokola, liketso tsa hao tsa mehleng, li shoele. Li tlas'a hao.

<sup>113</sup> 'Me u a phelisooa. 'Me matla ana a rolofatsang a kenya 'mele oa hao maemong a hloibilo, e se e entsoe. Lemohang batho ba pentekosta holimō mane, mohla ba phelisitsoeng ke Moea o Halalelang. Nkutloeng. Mohla sehlopha seo sa pentekosta holimō mane, ka Letsatsi la Pentekosta, se ne se amohela diti ea bona e hlaioletsoeng ho tsoa ho Molimo, ehlile, e tlotsitse lisoule tsa bona. Ba hlabo littatse. Ba bone maleme a Mollo a arohana holim'a e mong le e mong oa bona. 'Me a phelisa 'mele oa bona hakaale, ba sitoa ho bua puo ea lefatše hape. 'Mele oa bona oa rolofaletsoa puong ea Leholidō, e leng Tulo eo ba eang ho eona. Matla a Molimo a rolofatsang a leotsa mebele ea bona e shoang hakaale, hofihlela tuo eohle ea bona e timelang e hlanamisoa, ea

fetoleloa puong e sa timeleng. Matla a makakang a rolofatsang! Eng? Ntho e leng teng.

<sup>114</sup> “Ha Moea o tsotsitseng Jesu bafung, o ahile ’meleng ea lōna e shoang, O tla boela o rolofatsa mebele ea lōna e shoang.” Re rolofatsoa ka hona ke matla a Molimo o phelang.

<sup>115</sup> Maleme, tsa rolofaletsoa puong e ncha ea Lehelimō, ho bua le bona; ho hloibileloa holimō, ho phahamela atemosefereng e fapaneng le eo ba phetseng ho eona le ka mohla. Hape, ka Bophelo bo bocha bo rolofatsang ho bona, bo keneng ho bona, Ba rolofatsa puo ea bona. Ba buile lipuo tse ncha. Oh, ee!

<sup>116</sup> Joale ba bee leihlo. Bo ne bo boetse bo reretsoe ho ba neha, ka morao ho abostrakte ena, bo ne bo ralletsoe ho ba nea tsepiso ka ’ngoe litšeng tseo. Tsepiso ka ’ngoe e litšeng tsa Lentsoe la Molimo, e tsepisitsoeng kahar’ a Bibele, ba fuoe matla a rolofatsang ao, ho batsoetsa tsepiso eo. Ka hona, ba Bea bakuli matsoho, ba fola. Ba bua maleme a macha. Ba entse lipontšo tse khōlō le meeka, hoba e ne le kahar’ a tsepiso ea Molimo. ’Me Jesu mohla a na a eshoa, ho ba lopolla a ba khutlisetsa, litša tseo e leng lefa la bara ba Molimo, O hlahafalitse seo Molimo o nong o le sona.

<sup>117</sup> Re ka hla ra iteta sefuba ho hlophisa ntho ka botho re e hlahlela mokhatlong? Ha re na litokelo tse joalo.

<sup>118</sup> Ke Moea o Halalelang, kajeno, o ntseng o tsoma lipelō tse tsepelileng tse tlāng ho lumela Molaetsa oo. Ntho eohle Bibeleng, e kileng ea tsepisoa, e lebisitsoe ho molumeli eo. ’Me ha u e amohela ka bottlao ba eona, ’me Molimo o tseba u tla e phethisa, O u nea abostrakte ea eona. ’Me joale tsepiso efe le efe e entsoeng e kahar’ a lefa la hao, ’me Moea o Halalelang o teng mono ho u phelisetsa eona. Oh, banna! Ebe—ebe re tlameha ho ba batho ba mofuta mong? Ho babatseha hakakang ho bona Moea o moholo o Halalelang oa Molimo o le teng mona ho hlakisa matla ao! E nahaneng. Athe, Moea o Halalelang ka Seqo, o teng mona ho pakela hora ena. Jesu o itsalo. Esale Èèna maobane, kajeno, le kamehla.

Motho a ka hla a iteta sefuba ho hlakola seo Mono?

<sup>119</sup> “Mesebetsi eo Ke e etsang le lōna le tla e etsa,” Johanne 14:12. “Mehlolo ena e tla teela ba lumelang hare.” Eo ke netefatso. Ha re bona sehlopha sa batho se lutse ’moho, ’me mehlolo eo e iponahatsa, ke netefalatso e reng abostrakte e teng mono ho e nèpahatsa e le thepa ea Molimo eo. Amen.

<sup>120</sup> Ka hona, le rōna, re Paseka. Amen. Hona joale re kahar’ a Paseka ea rōna. Re se re tsohile, alleluia, linthong tsa lefatše, ho fetela linthong tsa tsepiso ea Molimo. Hase hona re tla etsa; re se le moo. Ke setšoanelo.

<sup>121</sup> Ke tsepiso ea Molimo. O ne o tla tšela Moea oa Oona matsatsing a qetelo, ’me ba ne ba tla etsa hoo. Lemohang, ba

behive bakuli matsoho; sohle se neng se le kahar'a tsepiso ea Molimo. "Ke tla tšela Moea oa Ka matsatsing a qetelo holim'a nama eohle. Maqheku a lōna a tla lora litoro. Bahlanka ba lōna ba tla bona lipono." Le litšepiso tse fapaneng tsena tshole tseo O li entseng, ntho eohle e robetse hantle mono kahar'a tsepiso ea Molimo. Jesu o re lopolletse eona. 'Me ha re fetoha . . .

<sup>122</sup> Kapa, rōna, haeba re reretsoe mobu oo, haeba re reretsoe ho lula mobung; joaloka ntsu e tsamaeang sehlaheng sa khoho. Haeba u reretsoe mobu oo, Moea o Halalelang o teng mona ho u fumana. 'Me ha O u fumana, u elelloa pitso ea Oona. U tseba hora eo u phelang ho eona. U a tseba lintho tsena li tlameha ho etsahala. Ka potlako u hloibiloa ho kōpana le Oona, 'me joale u lutse libakeng tsa Leholidō ka ho Kreste Jesu. Oh, tsepiso e kakang! Ntate e mokakang oa Leholidō, Ea ka re nehang lintho tsena!

<sup>123</sup> Moea o rolofatsa setsoalle sa bona le Molimo, ba boele ba tsosetse bafu bophelong, letsatsing leo. Ba robalitse mebele ea bona holim'a bafu; ba boela ba phela. Sekehang tsebe. Ba entse tseo Jesu a li entseng hoba ona Moea oo, o nong o lutse holim'a Hae, o no o lutse holim'a bona. Ha Moea o khanna motho ho itšoara ka tsela ena, o khanna le e mong ho itšoara ka tsela eo. Haeba e mong . . .

<sup>124</sup> Ebe ntho Ena e ka lula joang, a ntoo ipolela a fumane Moea oa Molimo, athe o latola mesebetsi ea Molimo? Ho ke ke ha ba joalo.

<sup>125</sup> Lemohang. Bophelo ba Molimo, boo ka Segerike bo bitsoang Zoe, bo phalla ho bona le ka ho bona, ho rolofatsa mehopolo ea bona Lentsoeng la Oona. Joale, beang butle ke e bue ke iketlile joale. Moea oa Molimo o haolang har'a batho, o rolofatsa mohopolo oa motho eo tsepisong ea Molimo. Le a bona? O etsa seo. Shebang. 'Me ke ntse' ke leka ho le bontša e—e . . . le ho le lemosa hore joale ke bua ka Kereke, le ho phelisetsoa Bophelong hape, ka ho Eèna.

<sup>126</sup> Leha, bao e ne e le litholoana tsa Oona feela, le ho qaleng. Empa ha Molimo o fèla o itse, "Letsatsing *lena*," morao tšimolohong, "John Doe e tla ba mohlanka oa Ka," lilemong tse limilione tse fetileng. Joale, John Doe o tsoaletsoe sebeng, ho bopeloa bokhopong, ho tla lefatšeng a bua mashano, hobane ke motho ea shoang. Empa, mohlomong, a ka arubetsoa ke maikutlyonyana a borapeli. O tla ea ingolisa le kereke. Mohlomong a ingolise le kereke ea Pentekosta. Ha ho tsebjoe. A ka ingolisa le eng feela. Empa e re a kene tlas'a atemosefere ea Molimo, hang. Le a bona? John Doe o tlamehile ho elelloa hoba Ntata'e ke Mang, joaloka ntsu ha e eleletsoe na 'mè ke mang. E tlamehile ho e elelloa. Le a bona? Feela, John Doe eo ke tholoana ea Molimo e fetohileng lentsoe, le builoeng, ebe Moea o Halalelang o ntoo batla lentsoe. Ke ena. O a 'mitsa, ho mo neha

Bophelo ba kamehla, le ho mo kenya pel'a Sefahleho sa Molimo, Lentsoe la Molimo.

<sup>127</sup> Shebang. Ho a tšoana le mohla Molimo o nong o bona Jesu. Ebile e—e mosebetsi o qetiloeng oo Molimo o o qetileng ka Jesu, mohla O itseng, "Ho phethehile." Leano lohle le ne le phethiloe.

<sup>128</sup> 'Me ha Moea oa Molimo o theohela holim'a lōna, 'me u le e 'ngoe ea litholoana tsa Molimo tseo O buileng ka tsona ruri. Joale, ha u se eona, u tla bala-bala 'me u ferekane, ho mathela *mona* le *mane*, le ntho eohle, le ka mohla u sa finyelle tsebo ea 'Nete. [Sekheo lebanteng—Mohl.] Haeba u le e mong oa bao, lintho tsa khale li feta ka potlako feela, le a bona, 'me u ba mocha, 'me leano la poloko le phethehile. U malala-a-laotsoe ho utloa Lentsoe ka leng leo Molimo o kileng oa le bua ka uena, le a bona, hore u le etse. U ikokobeletsa Lentsoe la Oona. Kontraka, ka tšoanelo, abosetrakte ea kontraka, lengolo la thuo ke la hao. Melato eohle e lefiloe. Hohle ho hlakotsoe, joalokaha e etsahetse ka Letsatsi la Pentekosta.

<sup>129</sup> Joale ha re lemoheng Moea o rolofatsang, ona o rolofatsang holim'a batho ba bang.

<sup>130</sup> Joale, ke itse ha ke na ho bua halelele haholo, koana ke saletsoe ke metsotsso e mashome a mabeli ho boloka lentsoe la ka, ha nka khona, lemohang, ho boloka nako eo ke e boletseng, e batlang—e batlang e le hora.

Lemoha joale matla ana a rolofatsang. A fihlang feela . . .

<sup>131</sup> Joale, sesomo sa Oona se qaphakile. Batho ba ikhopolang ba na le Oona ka ruri ba qaphakile, athe ha ba na oona. Batho ba bangata ba etsa joalo hobane ba tšoere tšekamelo e itseng ea bohata ea seo ba boneng Bakreste ba bang ba se etsa. Satane a ka qopitsa ntho efe e joalo. Re tseba seo. 'Me joaloka baromuo, le e bona e qopitsoa: ho hooeletsa, ho hobela, ho bua ka maleme, lintho tsena tsohle. Le ka bona boiketsiso ba eona hohle. Ruri bo. Har'a bahetene le batho ba latolang ntho e kang Jesu Kreste e le Mora oa Molimo. Le a bona? 'Me ba hlakisa lintho tseo tsohle, bobona.

<sup>132</sup> Empa Moea oa sebele, oa makhonthe o rolofatsang o tlang ho molumeli, o mo phelisetsa Lentsoeng la Molimo, ke hona ho khutlela Lijong tsa ntsu hape, hantle morao moo a phelang teng. "Motho a ke ke a phela ke bohobe feela, empa ka Lentsoe le leng le leng le tsoang molomong oa Molimo."

<sup>133</sup> Ha re lemoheng Moea ona o rolofatsang ha O theohela holim'a batho ba bang, joalokaha O entse ka—ka Letsatsi la Pentekosta.

<sup>134</sup> Ha re shebeng Pentekosta, boitšoaro ba bona, le ho bona haeba ba ne ba phelisoe ke matla ana a rolofatsang ao re buang ka oona. Ka Letsatsi la Pentekosta, bohole ba ne ba eme holimō mono. Ka ho bona, ba tšohile. Bajuda, seo ba neng ba tla se

etsa feela, ba tšohile. Empa ha etsahala'ng? Eitseha ha matla a rolofatsang ana a theoha Leholidmōng, ba tlala sebete. Ntho e ne e le teng, kutloisiso, athe lihora le 'maloa pele ho moo ba ne ba sa kholiseha. Ba tsebile hobane O ne a—O ne a shoele.

<sup>135</sup> Ba tsebile hoba O tsohile. Ba qoqile le Eèna tseleng. "Empa na ebe ntho eo e ne e le ea bona, kapa na ebe e ne e le ea bona feela, ea Jesu ka Sebele?"

<sup>136</sup> Empa mona ka Letsatsi la Pentekosta, Moea o Halalelang, abostrakte e tšolohetse holim'a balumeli. Hoo ho ba fetotse karolo ea tsoho ea Hae, ho mo fetola karolo ea setsoalle sa Hae. Moea o Halalelang o tlide oa ba thasisetsa hore ba tla tsosoa, hobane ka setšoanelo ba tsositsoe lekhatheng leo, ho tloha ho makoala ho ea ho banna ba bahale.

<sup>137</sup> Ba ne ba—ba ne ba tšaba lona Lentsoe leo ba neng ba le nahanne. Le se ke la e lumella ho feta holim'a lōna. Ba ne ba tšaba. Ba Mo tsebile hoba E ne e le Lentsoe leo.

<sup>138</sup> Esita le Bajuda ba ne ba tlamehe ho e tlaheha. Nikodema o itse, "Rabbi, re a tseba U moruti ea tsoang ho Molimo. Ha ho ea ka etsang lintho tseo u li etsang Molimo o se ho Eèna. Joale, re tseba seo. Re elello seo."

<sup>139</sup> Ka hona barutuoa . . . Petrose o bile a hlapanya Pontšeng ea Hae. Bohle ba ne ba Mo hlobohile thakhisong.

<sup>140</sup> Empa mona ke bana joale ba phaposing ena e kaholimō, Pontšeng ea Molimo. Eaba, hang feela, Moea o Halalelang ona oa theoha Leholidmōng, 'me Oa ba rolofatsa. 'Me ho rolofatsa ho ile ha etsoa, ha ba ka ba tšaba ho paka ka Molaetsa oo ba o lumetseng le oo ba o tsebileng e le 'Nete. Ka mantsoe a mang, ba ne ba O tšaba.

<sup>141</sup> Ke Mapresbeteriene a makae, ke Mamethodise a makae, ke Mabaptise a makae, lefatšeng kajeno, ke Mapentekosta a makae, a tsebang 'Nete 'me ba tšaba ho E emela? Ke susumetsoa ho ipotsa, ebe se theohetseng holim'a hao ke'ng? Na u karolo ea tsoho ea Hae? Na u sebete ho thotholetsa kakanyo ea monna ea itseng kapa khopolo? Kapa, na u sebete ho lekana le e—le bonna ba sebele bo hlokoang, ho qatsoha le ho bitsa tōka "tōka," le phoso "phoso"? Na u karolo ea tsoho ea Hae, kapa na u morapeli oa sehlopha sa lihlomathiso? Na u lethapa la kereke, na u ngolisitse lebitso la hao mono, 'me u shoele libeng le litlolong?

Ea sa lumeleng Lentsoe la Molimo le tletseng ke moetsalibe.

<sup>142</sup> Bafarisi bao ba lumetse lintho tse ngata, e le 'Nete. Ba itse, "Re bana ba Molimo." 'Me e ne e le bona, hofihlela Lentsoe leo le reroa. Empa mohla Lentsoe leo le neng le reroa le nètefatsoa, eaba ba fetoha baetsalibe, ka baka la ho hanelia Ntho eo ba e tsebileng e lòkile, le ho e bona. "Re a tseba U moruti ea tsoang ho Molimo, hoba ho se motho ea ka etsang lintho tseo U li etsang Molimo o se ho Uena."

<sup>143</sup> Ke a ipotsa kajeno, moo re leng teng? Ke a le botsa. Ebe tsoho ena e re fumana kae? Na u sebete ho qatsoha? Na u sebete ho nka Molimo Lentsoeng la Oona? Haeba u reretsoe Bophelong, ehlile u tla etsa joalo. Haeba u le ntsu, u ke ke ua ithusa haese ho etsa hoo, Ntho e teng ka ho uena. Kapa, na u ipatlela feela ho sebeletsa sehlomathiso nqa e 'ngoe, ho re, "Ke kena kereke. Ke lōkile hakaalo ka uena"? Le a bona? Haeba u sa tšoara litōkelo tseo tsa tsoalo, u ke ke ua e bona le ka mohla, u ke ke ua e bona. Empa haeba u tšoere tōkelo ena ea boholo, u ke ke ua thusa letho haese ho e bona, hoba ke karolo ea hao le uena u karolo ea eona.

<sup>144</sup> Nka latōla joang 'mè ea ntsoalang? Nka latōla ntate joang, athe mali a hae a ho 'na? Nka latōla Charles Branham joang ho ba ntate oa ka? Nka sitoa. Ke ikemiselitse ho emela sekhobo sa hae kapa letho lesele, hoba ke mora oa hae. Alleluia!

<sup>145</sup> Ka ho ba mora oa Molimo, 'me E ne e le Lentsoe la Molimo, nka hana joang Bibele eo e le 'Nete, hore Jesu Kreste ha se oa maobane, kajeno, le kamehla? 'Me ka ho bona hora eo re phelang ho eona, re hloka Paseka kahar'a kereke. Tsoho! Re hloka tsoho, ho natlafatsa tumelo, hore banna le basali ba tle ba emele seo e leng Lentsoe la Molimo le nētefaltsoeng.

<sup>146</sup> Ho re, "Be, re hlophositse Bacha ba Kreste." Hoo ho itōketse. "Kereke ea rōna e tšoere kōpano. Re batla litho tse *kana*." Ha ho letho khahlano le eona. Hoo ho itōketse. Empa eo ke atemosefere feela. E ka tsoa e le masiba a khoho ea khale. Empa ha u ka kena atemosefereng e nēpahetseng mono, e tla qhotsa ntsu haeba u le lehe la ntsu. 'Me haeba u reriloe ke Molimo ho e bona, u ke ke ua thusa letho haese ho e bona, u tla hlahella tshong. Baptise e tsoetsoe joalo, le Methodise e tsoetsoeng joalo, tshong letsatsing leo, ba mpa ba khelohetse ho sethole sa khoho sebakeng sa ntsu.

<sup>147</sup> Joalokaha ke buile nakoana e fetileng, eare ke sa theoha ke tsoa Tucson, ka bona mohlolo oa taba. Ka bona phakoe e tsorame terateng tlase mono. Phakoe e lahlehetsoe ke kotsoana ea eona khale koana. E kile ea ba nonyana e haufi le ntsu. E ne e ka sitoa ho sala ntsu morao; che, lekhale. Ha ho letho le ka salang ntsu morao. Empa e ne e le phakoe.

<sup>148</sup> Kreste ke Ntsu, 'me bonnyane kereke e tlameha e be e le phakoe. Li ka rurela holimō ho feta linonyana tse ling tsohle. Empa phakoe e se e le motlepere. E lahlehetsoe ke kotsoana ea eona. E kotsomala holim'a mehala ea fonofono e emetse moutloa o shoeleng. E qothoma sa lenong, sebakeng sa ho fofa joaloka phakoe.

<sup>149</sup> Oh, moena oa ka, khaitseli, lōna batho ba Pentekosta, le batho ba hesō ba ratoang! Kereke e lahleheloa ke kotsoana ea eona. E a theoha e itsepisa ka lihlomathiso tse shoeleng tse sataletseng, ho e-na le ho fofa Maholimōng, koana, ho phamola manna a macha.

<sup>150</sup> Phakoe e ne e tloaetse ho itsomela manna, empa kajeno e amohela se pitliloeng ke koloi le lijo tsa lenong. E qothoma joaloka ka lona. E tšoana le lona.

<sup>151</sup> Re ipharile ka lefatše la joale, basali ba rōna ba poma moriri oa bona, ba tena marikhoa-rikhoana, lesapo la mokokotlo oa banna ba rōna ha lea lekana ho ema sefaleng le ho bolela 'nete. Re nolofetse khale koana ka Lentsoe.

<sup>152</sup> Oho Molimo, romela Moea o Halalelang ho tsoma lintsu tseo kantle nqa e 'ngoe, tse ikemiselitseng ho ema koo, ho sa tsotelehe se etsahalang, li tla phukalla li itšohlometse linthong tse sa tsebjoeng, li sa kotsomale lithapong tsa mohala li emetse ho romelloa lingoloa tsa mofuta tsa sekolo sa Sontaha. Mpheng Lentsoe, le le lecha le ka matla le ka ponahatso ea Moea o Halalelang. Re hloka Paseka, tsoho e leng setšoanelo. Motsoalle oa ka, haeba u khotsofaletse setopo se joalo sa lefatše, phoso e teng.

<sup>153</sup> Khaitseli ea ka, moena oa ka, e re ke u boelle, taba ena, ka tšabo ea borapeli, ho tseba nka tšoha ke sa tl'o phelela ho bona Paseka hape. Empa nthoe le 'ngoe e tiile, ha mora oa Molimo oa makhonthe ea reriloeng pele, ke Lentsoe la Molimo, a utloa Puo eo ea Molimo, o tla nyoloha ho E khahlanyetsa. Ke setšoanelo, se reng o tla khahlanyetsa Lentsoe la mannate le phelang. Kamoo le Eēna a kileng a ba kateng, Monyaluo a tla kōpana le Monyali. Ke karolo ea 'Mele oa Hae.

<sup>154</sup> Lemohang, e se e le khale, re ntse re lahleheloa ke likotsoana tsa rōna. Re kena Laborarō bosiu, ba bang ba rōna. Ba bang ba itšalla lapeng ho shebella *Ke Mang Ea Ratang Susie*, lithelebishene, lintho tsa mefuta eohle tsa lefatše, boithabiso ba mefuta eohle, tseo u thibelang kereke. E re lahlehetse khale.

<sup>155</sup> Liseminare tsa rōna, likolo tsa rōna, li lokolla mphi ea bo-Ricky ba khaphatsehang thutabomolimo, le—le boithabiso le ntho eohle kahar'a kereke, ho nka litulo tsa tšebeletso ea thapelo. Re nkile moaparo 'me re leka ho phethisa seo motho oa sejaole a lekang ho se etsa, ho ba sheshenela kahare. U ke ke ua ba hapa joalo le ka mohla. Ba li tšoere ho feta uena. Ha u a tlangoa ke letho setšeng sa hao... setšeng sa bona. Ba tlise ho sa hao, moo kolobetso ea mannate e phatsimang, matleng a tsoho ea mannate. Se leke ho thea kereke e joaloka ea bona. Se leke ho itholla molisa ea joalo. Se leke ho etsa *sena, sane*, se *seng*, kapa ho ipapisa le lefatše. Ba phatsima ka Hollywood.

<sup>156</sup> Evangelī ea mannate e khanya ka matla. Lintsu li utloa seo. Ha li shebe phatsimo. Li batlana le khanya. Ho khanya ka boikokobetso, ho ka khanya ka lerato, ho khanya ka matla, ntsu ea mannate e tsomana le seo. U ke ke ua e khotsofatsa ka ho fata setšeng. E ke ke ea khona le ka mohla. U ke ke ua 'molella eona, hobane ha a e lumele.

<sup>157</sup> E re Puo eo e hlabe mokhosi ho tsoa Leholimōng, “Ke na be ke shoele, ’me ke boetse ke a phela.” Ntho e a etsahala. “Ke oa maobane, kajeno, le kamehla. ’Me matsatsing a bofelo, Ke tla Itšela holim’ a nama eohle.” Khanya ho Molimo! “Ke tla rolofatsa puo ea lōna e felang. Ke tla rolofatsa maleme a lōna a felang. Ke tla le nea bopaki bo reng Ke tla le hlahisa ’moho le ’Na tsohong.” Lintsu tse lapileng lipelō li hahamalla seo ka lebelo la bokhoni ba tsona. Ke Perela ea theko e thata, ba rekisa ka tsohle, ho ea e reka. Amen.

<sup>158</sup> Molimo o re thuse, motsoalle. Likereke tsa rōna li lahleheloa ke kotsoana ea tsona.

Ha re akōfeng joale re finyelle tse ling.

<sup>159</sup> Le shebe boitšoaro ba barutuaoa bao, ba ne ba tšohile. Ba tsebile hoba Jesu e ne e le ’Nete, empa, le a bona, E ne le khahlano le mohopolo o tummeng, borapeli bo tummeng ba hora, borapeli bo lomahantseng meno ka ho fetisisa, Sar- . . . Bafarisi, Basadusi, le tse joalo, mekha ea bona, boraseng, le liphutheho tse mabitso. Li ne li–li ne li eme khahlano le “bohlanya” boo. Empa Jesu e ne e le Lentsoe le supiloeng.

<sup>160</sup> ’Me Jesu ke Moea o Halalelang, ka Moea. “Ho se ho se hokae ’me lefatše ha le sa tla Mpona. Lōna le tla Mpona,” e seng ’mele; Bophelo bo nong bo le ka ho Eèna. Molimo o holim’ a Kereke, ho bitsa bara joalokaha A entse mohlang oo, ba nang le kutlo.

<sup>161</sup> “Ke etsa se khahlisang Ntate oa Ka kamehla. Ke mang ho lōna ea ka Nqosang ka sebe?” Ka mantsoe a mang, *sebe* ke “ho se lumele.” “Seo Lentsoe le se boletseng ka ’Na, Ke sa se etsa?” Ke eo. “Mpontšeng seo Lentsoe le boletseng Ke tla se etsa, Ke sa se etsa. Ke mang ea ka Nqosang? Ke mang ho lōna ea ka Ntšupang ka monoana, a re ha Ke a phethisa Lentsoe la Ntate oa Ka?” Oh, ha kereke ea Pentekosta e fihla lethebeng leo! “Ke mang ea ka Nqosang ka ho se lumele?”

<sup>162</sup> Oh, Bakreste, boitsebiso ba lōna e se be ba phakoe, empa ntsu. Phakoe eo e motlepere, e tla theoha. Ha u ke u bona ntsu e etsa hoo. A ke ke a etsa hoo le ka mohla. E itsomela lijo tsa eona, boputsoeng ba leholimō. Molimo o e hlophiselitse ho e bona. E itšella manna a macha, e seng ntho e shoeleng.

<sup>163</sup> Ho Baheberu, mohla ba ne ba parola lefeella, ba jele, ba lekile ho ja manna a shoeleng. Keha a putile. A kenoe—a kenoe ke mehatlana. Le tseba seo re se bolelang. A senyehile feela, a bolile. Libokoanantsi ho oona.

<sup>164</sup> Nka batla ke’ng ho ja lijo tse shoeleng khale koana lilemong tse fetileng? Ekaba li nkile sebopinho le tšobotsi, empa ha li ncha. Re tlameha ho fumana lijo molokong o mong le o mong, li le ncha. Le ntsu e batla lijo tseo, molokong o mong le o mong, re sa kene leetong. Lemohang.

<sup>165</sup> Joale ha re nkeng batho ba bang hape. Ha re nkeng ba bang ba baporofeta ba Testamente ea Khale, ho bona seo ba se entseng.

<sup>166</sup> Ha re shebeng Setefanase pele, boitšoaro ba Setefanase har'a Lekhotla la Sanhedrine. Mohla lekhotla leo le mo nyoletseng mono, phutheho e khōlō eo ea balumeli mono, kapa bao ho thoeng ke balumeli, ba mo nyolotseng 'me ba leka ho mo ahlola. "Khele," a re, "lōna ba satalalitseng melala, ba sa bollang pelō le litsebe, le hanela Moea o Halalelang kamehla." Boo ke Bophelo boo Bosafeleng. "Le joaloka bontata lōna morao koana ka baporofeta, le lōna le joalo kajeno." 'Me ba tsikitlanya meno ba itihela holim'a hae. Ba ne ba sa batle ho utloa hoo. O ne a eme khahlano le sehlomathiso sa bona. A eme khahlano le phutheho ea bolumeli ba bona. 'Me ba tlepelitse monna ka majoe. 'Me a phahamisa matsoho a hae a lelala, nqa Leholimō, ho re, "Ke bona maholimō a phetliloe, le Jesu a eme letsohong le letona." Hobaneng? O ne a tšoere tsoho, matla a rolofatsang a le ka ho eèna, a mo isitseng lifubeng tsa Jesu.

<sup>167</sup> Lemohang, ka potlako joale. Shebang Filipi, tlase mane tsoseletsong e khōlō. A tsoere tsoseletso athe monna ofe o ne a ke ke a iteta sebete, khele, haeba tšebelisano ea hae le likereke e le khōlō le sohle tlase mono. A tšoere tsoseletso e khōlō. 'Me matla a rolofatsang a Molimo a bua le eèna, ho re, "Setefane . . ." Ekaba Le itse, "U tšoere tsoseletso e khōlō, empa Ke batla u buisane le monna a le mong."

<sup>168</sup> 'Me Setefane a ba le kutlo, ho sa tsotelehe eng, nyatso e kakang. "Oh, Setefanase, u ke ke ua tloha."

"Empa, nka khona. Molimo o itsalo."

<sup>169</sup> 'Me a tloha a tsoela feelleng, 'me kantle mono a fumana letona lena. 'Me ho etsahala'ng? O itse, "Na . . . Ha u lumela ka pelō eohle ea hao, hore Jesu ke Mora oa Molimo, ke tla u kolobetsa." Eitseha a mo kolobetsa . . .

<sup>170</sup> Shebang. O ile a rolofatsoa ke matla ana a rolofatsang, ho siea tsoseletso ea batho ba likete, ho tsoela lehoatateng, ho monna a le mong. Oh, e khahlano le mabaka ohle. Le a bona? "Khele, mona u batloa ke likete tse leshome." Empa o teng ea hlokang, kantle *mane*. Le a bona? 'Me matla a rolofatsang a mo rometse nqalong e hlahisitsoeng ke Molimo. Alleluia!

<sup>171</sup> Banna le basali, E tla le emisa ka maoto. E tla u etsisa lintho tseo Molimo o batlang u li etse. Ha ke tsotelle seo motho mang a se buang ka eona. Baahisane ba re, "Oh, motho eo o lahlehetsoe ke kelello ea bona. Ba rapela bosiu bohole; ba bala Bibele." Ha ke tsotelle seo ba se buang. Ke seo Molimo a u bilelitseng ho se etsa. Ke hantle. "Oh, ba re tlaleha re ka sitoa ho tšoara litsoeletso tsena tsa mehla ea khale, tsa Pentekosta." Oh, ee, re ka khona, hape. U ka e tšoarela ka ho uena. 'Me Molimo, u bongata, ho sa tsotelehe seo ba bang ba se nahanang.

<sup>172</sup> Lemohang, ka morao, ka kutlo. Sekehang tsebe joale. Ka mora ho mamela Molimo, Lentsoeng la Oona, hoba a phethe thomo ea hae, matla a rolofatsang a amohetseng Pentekosta a mo tlosa, a rolofatsa 'mele oa hae. Limaele le limaele, a nkuoa ke Moea, a fihleloa naheng ese. Matla a Molimo a rolofatsang! 'Me haeba re le mapentekosta, "Ona matla ao a tsotseng Jesu bafung, haeba A ahile mebeleng ea lōna e shoang." Le a bona? Ke hantle. Lemohang.

<sup>173</sup> Ha re nkeng monna e mong ea nang le matla ana a rolofatsang. Monna o ne a le teng khale koana, ea bitsoang Henoke. Ha ntho e ncha e fihla, ha ntho e fihla ho thoe, "Be, re tšoanelia joale ho khutlela sekolong sa khale, kapa *sena, sane*, kapa se *seng*," Henoke o tsamaile le Molimo. Sohle seo Molimo o se laetseng ho etsoa, Henoke ha a fosa Lentsoe le le leng le ka mohla. O tsamaile le Molimo. E ne e le eng? E ne e le mora oa Molimo. E ne e le ntsu e neng e bilelitsoe letsatsi leo.

<sup>174</sup> 'Me nako ha e fihla, o ne a tletse matla a rolofatsang ao hakana! Le hopole, o ne a tsamaee lilemo tse makholo a mahlano, kapa ho feta, ka pel'a Molimo, 'me ha a ka a fosa Lentsoe la Oona le hang. Ha ho mohla a kileng a itšoara hampe. Le ka mohla ha a eso etse letho haese ho boloka bopaki. Sohle seo Molimo a mo laetseng ho se etsa, o tlohilie a se etsa. Ha ho khang ka eona, a tloha feela a ea e etsa. Ho sa tsotelehe seo mang a se nahanneng, a tloha a se etsa. Hobaneng? O ne a tletse matla ao a rolofatsang hona. 'Me enereha leqheku leo la monna le se le ea shoa, Molimo oa lepeletsa sehloelello eaba o nyoloha a ea Lapeng. Oa mo rolofatsa, oa nyolla 'mele oa hae o shoang hloibilong. Amen. Ke matla ao a rolofatsang.

<sup>175</sup> Shebang Elia, hoba mosebetsi oa hae o fele lefatšeng. A tletse matla a rolofatsang ao hakaale, o khalemme mekuto ea Jackie Kennedy letsatsing la hae. A bolella Jesebele eo oa khale monahano oa hae ka eèna. A bolella bareri le baptista se lókileng le se phoso, 'me ha ba mo lumela. Empa o ahlotse basali bao ba takiloeng sefahleho le lintho, hampe hakaale. 'Me o tletse matla a rolofatsang hakaale ho fihlela ho se letho ho mo ntša kotsi. Molimo oa mo fepa ho tsoa maholimōng, ho mo khetha o mo qoholla. 'Me a tletse matla a rolofatsang hakaae, mohla a tla shoa, Jordane ea phetleha, a itsamaela feela, ho theola koloi ea mo thothela Lapeng, a tletse matla ao a rolofatsang hakaale. A fetoha mora oa Molimo oa mannete, oa makhonthe. Yaa.

<sup>176</sup> Lemohang, a na le mohlahlami, lebitso la hae e le Elisha. 'Me Elisha a tšoere likarolo tse peli, matla a rolofatsang ana. Le a bona? A ruile likarolo tse peli tsa oona. Joale, o rerile lilemo tse batlileng li etsa mashome a robeli, kapa a batla a le lilemo tse mashome a robeli. O ile a kula a shoa. Joale, ha a ea Lapeng joaloka Elia. Le a bona? Bobeli ba bona ba bapisitsoe mono Kerekeng; bahalaleli ba bang ba tloha, le ba bang ba phomotse. Empa le lemohe mohla Elia a nyolloang hloibilong; eaba Elisha

o a robala, ka ho Molimo, a tletse matla a rolofatsang. Shebang boporfeta ba hae pejana a eshoa. Le a bona?

<sup>177</sup> Joale, e reng ke le bontše. Ha ke tsotelle le haeba u shoele, kapa moo u leng teng, matla ao a phelisang ha a tlohe le ka mohla. Lilemo le lilemo ka mora lefu la hae, nama ea hae e se e bolile a tlohile, e jeloe ke liboko tsa letlalo. Empa ba ne ba jere mofu, letsatsi le leng, ba mo lahlela holim'a masapo ao, 'me matla a phelisang a le makaale mono monna eo a boela a phela. Alleluia! A mo tsosa bafung, hoba matla a phelisang holim'a mohalaleli eo oa Molimo, a ne a sa tloha ho eèna, a lutse hantle masapong ao.

<sup>178</sup> Oh, le hopole, re nama ea nama ea Hae, lesapo la masapo a Hae, haeba re le Monyaluoa oa Hae. Lefu le ke ke la raka matla ao a rolofatsang ho hang. "Leha liboko tsa letlalo li senya 'mele ona, koana ke tla bona Molimo ka nama ea ka." Khanya ho Molimo! Ha se le e... Ha ke tsebe seo ke se buang. Tšepo e kakang ho monna oa leqheku le kang 'na, ka ho tseba ke bona nako ea bofelo ba ka koana ka potlako, ho mashome a mahlano le metso e tšeletseng.

<sup>179</sup> Esale ke le moshanyana ke eme mona, ke leka ho tlaleha Sena. Empa ke tseba ka ho 'na, ke se na letho le molemo, ha ke a etsa letho, empa matla a rolofatsang a ka ho 'na; a ile a rolofatsa 'na letsatsi le leng linthong tsa lefatše, joaloka mohlankana, ho fetela Bophelong Bosafeleng. Oh, lintho tse hlahileng! Ke bone lipono, ho bonela lintho pele. Ha A eso lumelle letho ho hloleha le joale. Ke buile ka lipuo. Ka porofeta. Ke entse lintho tseo ka Moea oa Molimo o ahileng ka ho 'na. Ao ke matla a rolofatsang. Ke a tseba letsatsi le leng... .

<sup>180</sup> Molopolli oa ka o phela hona joale. 'Me letsatsi le leng mohla A tlang, masapo ana a tla tsoha hape, ho ea kōpana le Eèna sebakeng. Le nka mpata leoatleng, la o chesa lore, hohle moo le batlang. Matla a rolofatsang ao ke a Bosafeleng. Shuu! Hona joale ke utloa Paseka. E, monghali. Esale ke e bolokile lilemo. E kahare ho 'na.

<sup>181</sup> E kahare ho lōna. Haeba, uena, Moea o tsotsitseng Jesu bafung o ahile mebeleng ea lōna e shoang, E u rolofalitse ho falla linthong tsa lefatše, ho ea Lentsoeng la Molimo le inotši. E u rolofalitse ho tloha bophelong bona ho ea Bophelong Bosafeleng. Lōna le neng le shoele libeng le melatong joale le rolofalitsoe 'moho, ho lula libakeng tsa Maholimō le Kreste Jesu, le ja mokete oa Manna a theohang Holimō, ho bona letsoho la Molimo le bonahatsoa, ho kholisa tšepiso ea letsatsi lena.

<sup>182</sup> "Joaloka matsatsing Nohe, ho tla ba joalo ho tleng ha Mora motho. Ba ne ba e ja, ba noa, ba nyala, ba nyalisa. Le joaloka matsatsing Lota, ho tla ba joalo ka lihora tseo Mora motho a tlang ho senoloa ka tsona lefatšeng," e seng Mora oa Molimo, hape. "Mora motho," ho khutla joaloka Molaetsa oa boporfeta

oa letsatsi la qetelo mohla ntsu eo e tlang ho fofa; e seng tau; e seng pholo mongoaheng oa sehlabelo. Le a bona?

<sup>183</sup> Nako le nako, matla a borapeli a ne a tsoa ho khahlana le qholotso ea matla a lefatše la sepolotiki. Mohla tau e ne e hlaha, matla a borapeli, e tsoile ea khahlana le matla a Roma.

<sup>184</sup> 'Me mohla hora ea sehlabelo, ho tsoile pholo, hoba ke Sebata sa sehlabelo sa Morena.

<sup>185</sup> Ha ntoo fihla bahlabolli, ho theoha le mengoaha ea kereke, ha hlaha sefahleho sa monna. 'Me bahlabolli ba busitse ho qala ka Luther, Wesley, oh, Calvin, ho theoha joalo, ho theoha, mongoaha oa pentekosta.

<sup>186</sup> Empa ho Molaetsa oa ho qetela o tsoileng, ho hlahile ntsu e fofang. Ke nako ea ntsu, nako ea tšenolo, Lentsoe la Molimo le a bonahatsoa, Lentsoe la Molimo le a kholisoa. Oh, lōna bana, le tsamaee kolobetsong ena ea Moea o Halalelang. Kenang le O lumele, ka pelō eohle ea lōna, Molimo o tla le tlatsa.

<sup>187</sup> Shebang mona joale. Re a fumana joale, le hopole, "Re nama ea nama ea Hae, le lesapo la lesapo la Hae." Joaloka Molimo ha o tsositse masapo a Hae le nama lebitleng, ba ke ke ba pata monna ea ruileng setšoanelo. Lefu le ka sitoa ho mo tlosa. Jesu o boletse, "Bohle bao Ntate a 'Neileng bona ba tla tla ho 'Na. Ke tla ba tsosa letsatsing la qetelo." Oh, banna! Paseka! Hobaneng, re kahar'a Paseka hantle. Mohla A ne a tsoha, re tsohile le Eèna. O boetse a romela abosetrakte. Re e tšoere, joaloka kolobetso ea Moea o Halalelang. "O phela kamehla le mehla; oa maobane, kajeno, le kamehla." Baheberu 13:8 e paka seo. Esale Eèna.

<sup>188</sup> Bomessia ba Hae, batlotsuo ba lumela seo. Messia ke'ng? Messia ke'ng? *Messia* ke "Motlotsuo." 'Me efela haeba E ne e le Messia, ka ho ba Motlotsuo oa letsatsi leo, ho phethahatsa Lentsoe la Molimo, ho ba Molopolli le Motlotsuo, 'me Molimo o tsositse 'mele oo; Monyaluo oa Hae ke motlotsuo oa letsatsi lena. O se o tsositsoe le Eèna tsohong, hobane, "Ba babeli bana ba bang." Amen.

<sup>189</sup> Eka nka—nka e bolela kamoo ke e bonang. Eka nka be ke na le thuto ho e phethisa. Le a bona? Ho 'na—'na ekare le ka e bona. Ke a tšepa, Molimo, Moea o Halalelang o theohela tlase mono le ho e beha pelōng ea hao, ho bona seo ke se bolelang.

<sup>190</sup> Tsoho, hona joale re tsohong. Re lutse le Eèna tsohong, empa ke bao feela ba ruileng Bophelo.

<sup>191</sup> Ha se bao ba se nang Bophelo. Ba ke ke ba E tseba. Ba ke ke ba E tseba le ka mohla. Ba tla tsoelapele ba hopola ba amohela Moea o Halalelang, ho pholosoa, 'me Hloibilo e tla be e fetile 'me e tsamaile. Ho re, "Eliase o se a tlide, 'me ba mo entse joalo, athe ha le a ka la tseba." Le a bona?

<sup>192</sup> Lemohang. Lefu ha le thibele matla a Molimo a rolofatsang. Lemohang. Lefu le ke ke la a thibela.

<sup>193</sup> U re, “Be, ’mè e ne e le mosali ea tletseng Moea. Ntate oa ka, ha ke eso bone monna ea tletseng joaloka ntate. Empa o shoele, Moena Branham.” Ehlide. Hoo ha ho a ka ha thibela matla a a rolofatsang.

<sup>194</sup> Moshe o ne a ruile matla a rolofatsang. Le lumela seo na? [Phutheho e re, “Amen.”—Mohl.] Ha ho motho ea kileng a tšoana le eëna lefatšeng, ho fihlela Jesu. Hoba ha a bona lipono feela, o buisane le Molimo sefahleho-le-sefahleho.

<sup>195</sup> Esita le moporofeta oa mosali, Miriama, o hanetse lentsoe la hae letsatsi le leng. O itse, “Na ha u tšabe Molimo? Lemoha mohlanka oa ka, Moshe. Ha ho ea joaloka eëna lefatšeng, horeng ena. Ha ho eso be le ea joaloka Moshe le ka mohla. Ke buisana le Moshe. O kile a bolela taba efe, e se ’neta? Le a bona? Ke buisana le Moshe. Na ha u tšabe Molimo? U se bue lentsoe khahlano le eëna.” Eaba otloa ka lepera hona moo ’me—’me o ne a shoa. Ha a ka phela halelele, hamorao. Moshe o ile a mo rapella.

<sup>196</sup> ’Me Moshe o hloele thaba, lilemong tsa bosebeletsi ba lekholo le mashome a mabeli, kapa bosebeletsi ba lilemo tse mashome a robeli; bophelo ba lilemo tse lekholo le mashome a mabeli, o hloele thaba a ntoo shoa, ’me a patoa phuleng. Empa matla a rolofatsang ao a le holim’ a hae. Lilemo tse batlileng ho ba makholo a robeli hamorao, ke enoa, o eme holim’ a Thaba Phetholelo. Amen. E ne e le eng? O ne a kenyelelitsoe tsohong eo. Ehlide, bo eëna. O ne a ruile matla a rolofatsang a Molimo. E ne e le enoa, a eme.

<sup>197</sup> Shebang Jobo, Abrahama, Isaaka, bahalaleli ka letsatsi leo la tsoho, hoseng ho hoholo hoo Jobo le bao bohole ba tsebileng bo tla fihla. Mohla a boletseng, o itse, “Ke a tseba Molopelli oa ka o a phela,” makholo le makholo a lilemo le pele ho Kreste. Eona, bonnête, Buka ea Jobo e ngotsoe pele ho Genese, ha ba bolela, Buka ea khale ho fetisa Bibeleng.

<sup>198</sup> ’Me litekong tsa hae, le joalokaha re feta hona joale. ’Me mohats’ e, esitile, ntho e haufi le eëna ho fetisa lefatšeng, ho itsoe, “Hore’ng u sa rohake Molimo oa shoa lefu?”

<sup>199</sup> O itse, “U bua joaloka mosali ea sethoto. Morena o ne a neile, Morena o nkile, ho bokoe Lebitso la Morena.”

<sup>200</sup> Eaba Moea oa Molimo ha o theohela holim’ a hae, a qala a porofeta, o itse, “Ke a tseba Molopelli oa ka o a phela, ’me O tla ema holim’ a lefatše lena matsatsing a bofelo. Leha liboko tsa letlalo li ka senya ’mele ona, koana ke tla bona Molimo ka nama ea ka.” ’Me o hlophisitse sebaka sa ho patoa. O itse, “Re tla reka setşa sena sa mobu.” A se reka mono a ikepela teng.

<sup>201</sup> Hamorao, ha fihla monna ea bitsoang Abrahama. Kereke e ntse e hola, e nyoloha. Abrahama, be, joale, a ruile setšoanelo sa Molimo, le eëna, Bophelo ba kamehla, Bosafeleng, hobane Molimo oa ’mitsa. Joale lemohang. Mohla a shoang, kapa Sara a a shoa, a reka sekotoana sa mobu Palestina, haufi le lebitla la Jobo,

le ho epela Sara. Abrahama a shoa a epeloa le Sara. Abrahama a tsoala—tsoala Isaaka.

<sup>202</sup> Eaba Isaaka, mohla a shoang, a ithoballa le Abrahama, sekotoaneng seo sa mobu. Joale, eare, Isaaka a tsoala Jakobo . . .

<sup>203</sup> Jakobo a shoa, tlase koana Egepeta. Empa ka ho ba moporofeta, joale, ea ruileng setšoanelo sena, matla ana a rolofatsang, o itse, “Se mpate mona, Josefa. Tloo koano, mora oa ka oa moporofeta. Bea letsoho la hao holim’ a noka ena eo Molimo a e nonyelitseng. Hlapantša ho Molimo oa Leholidō u ke ke ua nkepela tlase mona.” Kahar’ a monna eo ho ne ho lutse eng? Hobane’ ng Egepeta e sa lōka joaloka libaka tse ling? E ne e le moporofeta. O tseba moo tsoho eo e tla hlaha teng. E sa tl’ o hlaha Egepeta; e tla hlaha Palestina. Ha thoe, “Bea letsoho la hao holim’ a noka ea ka e tenyetsehileng, u hlapanye ka Molimo oo ke o sebelelitseng. U mora oa ka oa moporofeta, ka hore, u ke ke ua pata masapo a ka tlase mona. Nyolohela le ’na koo ’me u mpate.”

<sup>204</sup> Josefa, ka ho ba moporofeta, hape, a bea matsoho a hae holim’ a ntata’ e ea tenyetsehileng. Ho re, “Ke ana ka Molimo oa Abrahama, Isaaka, oa Jakobo, ha nka ke ka u pata mona.” Ba nyoloha le eèna ba mo epela lefatšeng lela. Hobaneng? Hobaneng?

<sup>205</sup> Josefa a shoa, a re, “Le se mpate tlase mona. Le se mpate tlase mona.” Hobaneng? Molimo ke Molimoo o hohle, empa O na le leano. Josefa e ne e le moporofeta. O itse, “Ka letsatsi le leng,” mamelang, mantsoe a hae, “Morena Molimo o tla le re-vis- . . . tla le etela, le tla ntšoa lefatšeng lena. ’Me mohla le tlohang, le jare masapo a ka.”

<sup>206</sup> Matla a rolofatsang ao a ne a ahile masapong ao. Oh! “Ekare ha Moea oa Ea tsositseng Kreste bafung, o ahile ho lōna, O tla tsosa le mebele ea lōna e shoang.”

<sup>207</sup> “Le se behe masapo a ka tlase mona. Le mpate holimō koana le bao ba tsepiso.”

<sup>208</sup> Mohla Jesu a fihlang, mona, mona ke tšoere Lengolo, Mattheu 27:51. Mohla Jesu a na a tsoha bafung, Jobo o e bone e tla tla, ho re, “Ke a tseba Molopolli oa ka o a phela. Matsatsing a qetelo, O tla ema holim’ a lefatše lena. Le mohla liboko tsa letlalo li se li sentse ’mele ona, koana ke tla bona Molimo ke le nameng ea ka. Ke tla ’Mona.” Ba tsebile. E ne e le moporofeta eo. Abrahama e ne e le moporofeta. Isaaka e ne e le moporofeta. Jakobo e ne e le moporofeta. Josefa e ne e le moporofeta. ’Me ba ne ba tšoere tšenolo ea Molimo, ho latèla Lentsoe la Oona. ’Me hoseng hoo ha Paseka, mohla Eo a tiliheng a lopolla bao bohle ba ileng ba lumela ho Eèna, ba tsohile, le bona, ho latèla Bibele.

<sup>209</sup> Matla a rolofatsang ao a kene lebitleng la Jobo, athe ho be ho sa sala lerojana la masapo a hae le kaa ka le tlalang khabana. Hoba ho fete makholo, le makholo, le makholo a lilemo, masapo

a hae a se a senyehile. A—a ile a khutla, a fetoha ligase tsa lefatše, 'me mono ho robetse lerojana la molora feela. Empa, leha ho le joalo, eareha matla a rolofatsang ao, ho latèla Lentsoe la Molimo, tsepisong, makholo le makholo a lilemo, ee, likete tsa lilemo hamorao, mohla matla a rolofatsang ao a na a ntšoa lebitleng; Jobo, Abrahama, Isaaka, Jakobo, bao bohle, ba tsoile lebitleng le Eèna.

<sup>210</sup> Bibebe e itsalo. Santa Mattheu, khaolo ea 27 le temana ea 51, e itse, "Balahaleli ba bangata ba robetseng leroleng la lefatše, ba tsoha ba tsoa mabitleng 'moho le Eèna, mohla A ne a nyoloha Paseka hoseng." Hobaneng? Ba ne ba tšoere setšoanelo seo. Ba ne ba ôtilioe ka matla a rolofatsang ao, le a bona, 'me ba tsoha bafung, ba kena le Eèna tsohong. Ba thabela tsoho 'moho le Eèna, hoba ba ne ba tletse matla ao a rolofatsang. Ba ne ba tšoere tiiso eo ea makhonthe ea Paseka.

"Be," u re, "eka nka be ke phetse morao Testamenteng ea Khale."

<sup>211</sup> Bea butle motsotsos. Ho ba Pele Bathessal-... Bathessalonika, khaolo ea 4, le temana ea 16, ke batla le e bale. "Ha ke batle ha le ka hloka tsebo, banabesō, ka ba ithobaletseng, le tle le se ke la hlomoha, joaloka ba bang ba se nang tšepo. Hoba ekare ha re lumetse hobane Jesu o shoele, a ba a tsoha ka letsatsi la borarō," e seng boipeho-tumelo, empa re a e lumela, "ho joalo le ba robetseng ho Eèna Molimo o tla ba hlahisa le Eèna 'moho."

<sup>212</sup> Bahalaleli ba Testamente e Ncha ba ôtiloeng ka matla ao a rolofatsang, ba tla tsoha, le bona, ho Tleng ha Hae labobel; ruri joalokaha bahalaleli ba Testamente ea Khale ba ôtiloeng ka matla ao ohle a rolofatsang holim'a masapo a bona, le ka liphetoho le matla, le joalo-joalo, e supiloeng ke Molimo. Baporofeta bao Lentsoe la Molimo le ba fihletseng, ba tsohile le Eèna hoseng hoo ha tsoho; 'me tsepiso ea Molimo e re bohle ba leng ho Kreste Jesu le bona ba tla tsoa le Eèna tsohong ea Hae, matla a rolofatsang a Molimo holim'a masapo.

<sup>213</sup> Ha ho makatse, re beha bakuli matsoho. Ha ho makatse, re a ratana. Re baena le likhaiseli. Ha re a lòkela ho hloeania hobane re lòkisoa ke Lentsoe la Molimo. Re lòkela ho ratana, le ho hlomphana. Le a tseba, ha u sa khone, e ke ke ea u thusa ka letho.

<sup>214</sup> Mono hantle ho lutse mothoana, eo, tlas'a kereke ena joale. Matsatsi a 'maloa a fetileng... Monna eo o a lumela. Tsebe ea moshanyana eo oa khale e tšoeroe ke mofetše, a sa batle ho bua letho ka eona. A ntse a sebetsa holimō mane tlung. Ke kene letšolong la ho tsoma le eèna, holimō mane le baena ba Moseley, le Moena Dawson mona. Re nyolohetse holimō mona re tsoma, mora oa Moena William. 'Me ka tsoa tsoa ke lekotse tsebe ea hae,

ka bona tsebe ea hae e topile. Ka re, “Molato ke’ng, Donavon, tsebe eo?”

<sup>215</sup> A re, “Moena Branham, e see e le khale. Ha ke tsebe.”

<sup>216</sup> Ka mpa—ka mpa ka mo tšoara ka letsoho mono. Mofetše oa tsebe o le motonana. A sa ka a bua le lentsoe; a e koetla feela, le ho nahana, “Moena oa ka!” Letsatsi kapa a mabeli ka morao ho moo, keha ho sa sala le lebali tsebeng. E ne e le hlompho ea hae ho Molimo oa Leholimō, ka matla a Oona a rolofatsang, a bolaileng mofetše oo a baballa bophelo ba Donavan Weerts morao mane. Ke hantle.

<sup>217</sup> Lintho tsee ke ling? Shebang mona, lōna batho ba mona Phoenix. Ichebeng lōna batho ba lumetseng sena. Shebang batho ba ōtliloeng ka sena, ba le beang matsoho. Le shebe se etsahalang. Ke matla a rolofatsang. “Mehlolo e tla teela ba lumelang hare ke eona ena.” Ha ba Bea bakuli matsoho, matla ao a rolofatsang, ntsu ho ntsu, ntho e tla etsahala. Joale, ntsu ho letlaka, e ke ke ea sebetsa. Ntsu ho ntsu, e tlohile setšeng seo, ho ea Maholimōng. “Mehlolo e tla teela ba lumelang hare ke eona ena,” ha ba le tumelong bobeli.

<sup>218</sup> Le bona matla a rolofatsang ana a Molimo a supiloe ho baporofeta ba babeli bana, Elia le Elisha. Lemohang, lona lentsoe leo; e mong oa bona o a *nkuoa*, e mong o *nkiloe*. Ho *nkuoa* le ho *nkiloe*. Le a bona? O nkiloe. Rōna re tla *nkuoa*; ho *nkuoa* le bona ’moho, ho kōpana le bona sebakeng. “Nkiloe ho kōpana le bona sebakeng.”

<sup>219</sup> Lemohang, nonyana e tlameha ho ba le mapheo a mabeli, ho itsepamisa. Ho joalo? [Phutheho e re, “Amen.”—Mohl.] Elia e ne le lepheo le fetolang, Elia. Elisha e ne e lepheo la tsoho. Le a bona? Bobeli ba bona, ’moho, ba supa bahalaleli ba phelang le bahalaleli ba iketseng.

<sup>220</sup> Hopolang, ho rolofatsoa ho sheba lintho tse fetileng, masira. Kamoo batho bana ba rolofalitsoeng morao mono ho sheba mose ho lesira le ho bona tlase nakong ea joale; baporofeta bao!

<sup>221</sup> Shebang Pauluse, o lepile boitšoaro ba batho bana matsatsi a bofelo, ka boitšoaro ba bona le ho ipitsa Bakreste. E ne e le moporofeta, a tletse matla a rolofatsang, o e bone pele e etsahala. Re lumela seo. Ha ke re? [Phutheho e re, “Amen.”—Mohl.] O ne a amohetse matla a rolofatsang.

<sup>222</sup> Shebang matla a rolofatsang kajeno, a bolelang lintho tse tlāng, ho sa fosoe ketsahalo ea letho. Ha eso hlollehe le ka lekheto. Matla a rolofatsang; e seng matla a motho; matla a Molimo. Matla, abosetrakte ea Paseka, Jesu ea tsöhileng ea rometseng abosetrakte, ho re fa karanti e reng re se re rolofalitsoe le Eèna.

<sup>223</sup> Lemohang. Le sa hopola bukana, Borakhoebo mona, *Ho Sheba Mose Ho Lesira La Nako?* Ha ke qala ke tsofala, ke tseba matsatsi a ka a ntse khutsufala. Ke hlide ke . . .

<sup>224</sup> Ke letsa sekotoana seo maleiti ao a se binneng nakoana e fetileng. Ke se bolokile lilemo tse batlileng ho ba leshome le robeli, mashome a mabeli joale. *Ke Batla Ho E Rerisana, Morena.* 'Me ke tsoela koo ho ea rapela, matla a rolofatsang ao a ntso fihla. Ke ne ke phomotse. Ka sheba holimō Mono. Ke re, "Sheba mane."

<sup>225</sup> Ke hopola hoseng hoo, mohla ke hapetsoeng mose oane. 'Me mohatsa ka, ea lutseng morao mane, a robetse le 'na moalong hoseng hoo. Ka tsosoa, ka lelala. 'Me ke eo, o ne a khalehile. Ka re, "Haeba ke tla etsetsa Morena letho, u mpe u akōfe, moshanyana. U tlotse mashome a mahlano." Eaba Moea o Halalelang o nkhapa o ntlosa, 'me ka sheba Koo. Ka bona bahalaleli bao, ka ho tiea joalokaha ke eme mona pel'a deseke ena, Buka e khethehileng ena e robetse mona, ebile ke 'moleli oa Evangeli.

<sup>226</sup> Na nkile ka le bolella taba e sa etsahalang ka Lebitso la Morena? Haeba nkile, ke batla le mpolelle. Nako le nako, na e ne e phethahetse, kalaneng? Nako le nako, na e hlahile joalokaha A boletse? [Phutheho e re, "Amen."—Mohl.] Ena e ne e le HO RIALO MORENA.

<sup>227</sup> Ka ema mono, ka sheba koana lekhatheng leo. Ka bona mashome a likete a atisoang ka likete a e tla, bahlankana le basetsana, ba matha, ba nkopela ka liphaka tsa bona, ba hooeletsa. Ha ke hetla hantle ka ipona ke robetse moalong. "Oho Morena, nke ke shebe mose ho lesira la nako."

<sup>228</sup> Ke eng? Ke matla a rolofatsang a tlang ho re phamola a re tlosa. Matla a maholo ao a rolofatsang. Matla a rolofatsang a fihla matsatsing ana a qetelo.

<sup>229</sup> Ke morero oa ka Arizona, hona joale. Batho ba bangata ba lutse mona hantle, ba ne ba eme hantle mona Phoenix, ba nkutloile ke le bolella eona ho tsoa kalaneng eona ena, "HO RIALO MORENA." Ba e hopolang ba bakae? "Joale e-ea. Ntho e mothating oa ho etsahala."

<sup>230</sup> Ka bona ho tla Mangeloi a supileng. Na makasini oa *Life* ha oa e hlahisa, mohla moholi oa Eona o nong o haola koo, bophahamong ba limaele tse mashome a mabeli le metso e supileng, o le boahlamo ba limaele tse mashome a mararō? Na Fred Sothmann, ba bang bana, Gene Norman, bao, na ha ba lula morao mane? Ho ema hantle mono mohla Mangeloi a supileng ao a neng a hlahia hantle mono leralleng. Maralla a reketla, limaele ka mathoko, joalo. Mono ha ema Mangeloi a supileng. 'Me sabole ea lahleloa letsohong la hao, ha thoe, "Khutlela lapeng u bule Litiiso tse Supileng tsena tse abiloeng." 'Me ke tsena, sephiri sa

mannete sa lenyalo le hlalo, le peō ea nōha, le lintho tse ling tsena tsohle tse entseng khang. Ke HO RIALO MORENA.

<sup>231</sup> Ke eng? Matla a rolofatsang a tlélang Kereke, ho Mo hlophisa, hora ena eo re e atamelang. Matla a rolofatsang!

Oho Molimo, re thusé ho E amohela. Re thusé ho E lumela.

<sup>232</sup> Le a bona, e itšetleha ka boitšoaro ba hao nqa Eona, hore E tla u tsoela molemo oa letho, kapa che, le hona. Le a bona? U tlameha ho Se lumela. Ha u sa Se lumele, Se ke ke sa u tsoela molemo oa letho.

<sup>233</sup> Samuele oa boholo o kile a ema pontšeng ea batho bao, a re, “Na nkile ka le bolella taba e sa hlahang ka Lebitso la Morena? Na nkile ka le qela chelete ea lōna, ho iphelisa?”

“Che, empa re batla khosi, leha ho le joalo.”

<sup>234</sup> Le kereke e a itšoanel a kajeno. Ba ipatlela menahano ea bona. Ha ba u tsotelle ka letho. Ba koekoetla. Be, e supa hoo, matla a rolofatsang ha a eo mono.

<sup>235</sup> “Oh,” u re, “Be, ke buile maleme. Ka qhoma ka hlabatlatse.” Hoo ho itōketse kahohle.

<sup>236</sup> Empa ha matla a rolofatsang ao a le teng mono, u tla eleloa. Joaloka tsuanyana ea ntsu; ke ‘mè oa eona eo. Ke Lentsoe leo. Hoo ke HO RIALO MORENA. Ke seo Molimo o se tšepisitseng. Ke se lepioloeng pele. Ke sona se etsahetseng hantle. Ho rōna ha ho seriti sa pelaelo, ka setšoanelo kahar’ a tsoho hona joale, bahalaleli ba mathuleng a ho nkeloa sebakeng.

<sup>237</sup> Ka hona, Jesu, o ne a tletse matla a rolofatsang ana hakaale, ho itsoe, “Le ka qhaqha tempele ena; e nkileng lilemo tse mashome a mane, kamoo le hopotseng, ho e aha; Ke tla e tsosa ka matsatsi a mararō.”

<sup>238</sup> Hobaneng? Jesu o ne a ka rialo joang? Ke batla ho le botsa. Hore’ng Jesu a ne a ka rialo? O tsebile Hobane E ne e le seo. Amen. Ekare nka khona ho e khokhethela. O tsebile hoba E ne e le Mang. O tsebile seo, Lentsoe le leng le le leng, leo Molimo o nong o le ngolile mono ka Eèna, O le phethile. O tsebile hoba Ke Eèna eo Davida a ’moletseng.

<sup>239</sup> Na le a tseba ke lōna bao Bibele e ba boletseng? [Phutheho e re, “Amen.”—Mohl.] Na u a tseba malulo a hao a ka ho Kreste? Ha u le ka ho Kreste, u ’mopuoa e mocha. Na le a tseba Lentsoe lena le itšoanel a bophelo ba letsatsi ka leng, ho uena? Khele, ehlide. Ke la hao. U ntsu. Ke Lijo tsa hao.

<sup>240</sup> O tsebile, hoba ka matla a Molimo, O tla e phethisa, hoba ho porofetiloe A tla e phethisa. Lebaka leo A a sa kang a tšaba ho re, “Qhaqhang tempele ena. Ke tla e tsosa ka matsatsi a mararō, hobane Davida o boletse, ‘Nke ke ka lesa soule ea Hae liheleng, Nke ke ka tlohela Mokhethoa oa Ka hore a bone ho bola.’” O tsebile hoba ha ho sele le e ’ngoe ea ’mele oa hae e tlang ho bola.

'Me e bola lihoreng tse mashome a supileng a metso e mmeli. O itse, "Qhaqhang tempele ena. Ke tla e tsosa hape, matsatsing a mararō ao." Hobaneng? O ne a tletse matla a rolofatsang hakana a rolofalitseng Lentsoe ka leng. O ile a hetla a bona Lentsoe ka leng leo Molimo o le ngoliloeng ka Èèna, leo moporofeta a boletseng A tla le phethisa. O tsebile hoba hoo ho tla phethisoa, le hona.

<sup>241</sup> Joale, Lentsoe ka leng le builoeng ke Molimo, le etsa hore moea oa hao o re "amen" ho Lona, Le phethiloe bophelong ba hao, joaloka molumeli?

<sup>242</sup> Na u koetlile ntho, ho re, "Be, kereke ea ka e ruta ka ho fapana"? Ha ho le joalo o ele hloko, phakoe.

<sup>243</sup> Lemoha. Lintsu li a lumela. Potso ha e eo, ho tsona. Li a Le lumela. Lemohang.

<sup>244</sup> Joale, O e tsebile e tla etsahala hobane Lentsoe le E boletse joalo. 'Me Lentsoe ka leng le ngoliloeng ka Èèna le ne le tlameha ho phethahala. O tsebile hobane Le ngoliloe ka matla a Molimo, ke baporofeta ba halalelang ba Mo porofetileng a tla etsa hoo.

<sup>245</sup> 'Me baporofeta ha bo ke bo hholeha. Bo ke ke ba khona. Lentsoe la Molimo le ke ke la hholeha. 'Me le ngotsoe ka ho... ke Moea o... 'Me joale, hape, Moea o tsositseng Jesu bafung, ha O ahile bothong ba lôna, 'meleng oa lôna, O tla rolofatsa 'mele ea lôna e shoang. Ka hona, u ka thunya, u ka chesa, etsa sohle seo u se batlang, u some, u qhaqhe, u hlanamise, etsa seo u se batlang. Molimo o tla o tsosa, hoba O boletse A tla etsa hoo. 'Me mohalaleli e mong le e mong oa Molimo o ruile tsepiso eo ka ho èèna, o a tseba hoo ke 'Nete. Ka hona, se tšabe, moena, re se re kene Pasekeng.

<sup>246</sup> Shebang joale mane phetolong, pejana feela re koala. Ho fetola, phetolo, bohle re tšoantšitsoe mono phetolong. Shebang seo re se bonang kajeno. Lemohang feela seo re se bonang kajeno, matla a Molimo a rolofatsang. Bohle re ne re le teng mono. Bahalaleli ba shoeleng ke bao, ba tšoantšitsoe ho Moshe; tsoho e ne e le eo; le Jesu Kreste a tlotlisitsoe. Elisha... Moshe, Elia, le Jesu, bohle ba eme thabeng; bahalaleli ba shoeleng, bahalaleli ba hloibitsoeng; le Jesu ea tlotlisitsoeng. Oh, banna!

<sup>247</sup> Be, u re... Ke utloile mothaka a bua. Ba tla re, "Lôna batho, khele, hola le ruile matla a mofuta ona, le tlameha ho tsoa ea borella seo le ka se etsang." Ebe taba e hole le Mokreste, ho bua ntho e kang eo. Le a bona? Ruri, ha re itlalehe re ruile matla. Ho...

<sup>248</sup> Empa re etsa ho le hong. Eitseha ba qamaka, matla ana ohle le holim'a bona, "Ba bone Jesu feela." 'Me molumeli oa mannete, oa sebele ha a tsotelle haeba a tšehtsa mokhatlo oa bolumeli, kapa le letho la eona. O batla ho le hong feela, hore u bone Kreste eo ea tlotlisitsoeng, hoo ho etsa phapang. Boiphihlelo ba mannete, ba sebele ba Thaba Phetolo e tlotlisa Jesu Kreste feela.

Ha e a tlotlisa Moshe, ha e a tlotlisa Elia, ha ba itlotlisa, ha e a tlotlisa letho lesele, empa ba bone Kreste ea tlotlisitsoeng. 'Me molumeli ofe oa mannête, ke sona se ahileng pelōng ea hae, ho tlotlisa Jesu Kreste. Ke seo ba lekang ho se bontša batho.

<sup>249</sup> Ha se ho re, "Be, ha u ka tla ingolisa lihlopheng tsa rōna, ha u ka tla etsa *sena* kapa ho etsa *sane*." Oh, u se etse hoo. U se etse hoo.

<sup>250</sup> Bona Lentsoe la Molimo, e leng Kreste, ea holisitsoeng; le ho phethisa tsepiso ea letsatsi lena, horeng e khōlō ena ea tsoho. Lemohang. 'Me e a ba thabisa, ho tseba hoba re na le Eèna, nama ea nama ea Hae, le lesapo la masapo a Hae. Ke thabo e kakang! Ke phetho seo molumeli oa mannête a se tsotellang.

<sup>251</sup> Ha ba tsotelle mokha oa bolumeli. Ha ba tsotelle mokhatlo. Ha ba tsotelle seo basali ba bang ba se nahananang. Ha ba tsotelle. Ruri lekhale. Ba ke ke ba etsa lintho tsena tseo tse... basali ba bang bana ba li etsang. Ba... Banna bana ba ke ke ba etsa lintho tseo. Ba ke ke ba lika-lika ba nenesana le mokhatlo oa mofuta, ho thibela ho lelekaoa, le ho tšaba ho hlohoa seteketana sa bona sa lijo. Ha ba tsotelle lintho tseo. Ke bosaoana ho bona.

<sup>252</sup> Takatso ea pelō e 'ngoe feela, eona, ke ho bona Jesu Kreste a tlotlisitsoe. Boitšoaro ba bona bo tšoanelo ho ipapisa le Molimo. Bo tšoanelo joalo ruri, le letho le sele, empa tlotliso ea Jesu Kreste. 'Me Jesu ke eng? Lentsoe. Na ho lōkile? [Phutheho e re, "Amen."—Mohl.] Joale, lemohang, le ho bona oo mokhoa oa Hae o nètfalitsoeng, o kholisa tsoho ea Hae. Joale ke eng? Ho bona bophelo ba hao, ka Lentsoe la Oona la tsepiso leo A itseng, "Esale Eèna maobane, kajeno, le ka mehla," bo kholisa hoba O sa phela.

<sup>253</sup> Ha ke tsotelle haeba ke koalloa monyako o mong le o mong naheng. Hoo, ke a... Joalokaha ke boletse, ke finyeletse mashome a mahlano a metso e tšeletseng, letsatsi le leng. Nka hlaoloa. Ke lilemong tsa ho futuheloa ke pelō. Ke mongoaheng o mong ona ohle, le sohle. Be, phapang ke efe? Ha e a etsa phapang bonyenyaneng ba ka. Ha e etse phapang efe joale, hore nomoro ea ka e bitsoa ka hora efe, le karete ea ka e ntšoa rakeng. Ha ke tsotelle haeba ba ntsebile nkile ka phela lefatšeng lena. Ha e etse phapang ea letho. Ha ba tlameha ho hloma lifika tse khōlō le meaho e meholo ho ntlaheha nkile ka ba lefatšeng lena.

<sup>254</sup> Ke batla ba tsebe ho le hong feela, ho tseba hobane "Jesu Kreste ke oa maobane, kajeno, le kamehla." 'Me pelōng ea ka ke tšoere abosetrakte ea Hae. 'Me ke a tseba ka letsatsi le leng... Leha ho le joalo, nka qoelisoa leoatleng. Nka bolaoa Afrika. Ha ke tsebe se tlāng ho ntlhahela. Empa ke tseba ho le hong, ke tšoere abosetrakte. Alleluia! Monyako o mong le o mong o ka koaloa. Ho 'na ha e etse phapang ea letho. Ha ke leke ho tlotlisa monna ea itseng kapa mokhatlo o itseng, leha e le 'na, kapa le letho la lihlopha, kapa le letho le sele. Ke batla hore batho ba

bone Jesu Kreste a tsohile bafung, 'me Moea oa Hae o a phela.  
"Ke eèna oa maobane, kajeno, le kamehla."

<sup>255</sup> Ha ho makatse, Jesu a boletse, "Se tšabeng. Ke na be ke shoele, empa joale ke phela kamehla eohle."

<sup>256</sup> "Hoba joale re lopolotsoe ke Eèna, 'me re tsohile le Eèna, 'me rōna joale (e seng re tla) re lutse libakeng tsa Maholimo ka ho Eèna." Joale, haeba Moea ona o ahile ka ho rōna, abosetrakte, hoo ho supa lipelaelo tsohle li hlaotsoe. Eng? Kreste o a phela. Ha se 'na ea phelang; ha se 'na. "Kreste o phela ka ho 'na." Ha se uena ea phelang, empa Kreste o phela ka ho uena; hobane Lentsoe la Hae le phelang le phela ka ho uena, ho supang hobane melato eohle ea hao ea Methodise eohle ea hao, le Baptise, le menahano ea Mapentekosta, le ntho eohle e sele, e hlaotsoe. 'Me Jesu Kreste . . .

<sup>257</sup> Joaloka holim'a Thaba Phetolo, baporofeta bohle le ntho eohle ba nyametse. Matsatsi ohle a Lutherane, Methodise, Presbeteriene, tsohle li itôketse, empa, "Enoa ke Mora oa Ka ea ratoang. Mo utloeng," Lentsoe la hora ena, hora ea Litiiso. Mohla, liphiri tsohle motše koana, tseo esale li patoa lilemo tsena tsohle, 'me tseo ke . . . Piramide e khôlô eo ea nako e phetliloe, lejoe la hloro, ho e hohla e theoha e le hore Naleli ea Davida e lule litulong tsa Eona. 'Me Kereke e khôlô ea Molimo o phelang e tla nyolloa joaloka mapheo a ntsu, ho thoteloa koana Khanyeng. E.

<sup>258</sup> Kahare joale, kahare joale, kahara mebele ea rōna: ka ho bua maleme a macha; ka boporofeta, le ka ho bonelapele; ho beha bakuli matsoho, 'me ba fola; lefatše, le shoele, le lintho tsohle tsa lefatše. Re faletse lefung ho kena Bophelong, 'me joale re tšoere matla. Alleluia!

Hoseng hoo ha tsoho,  
Ha litiiso tsa lefu li robjao,  
Re tla tsoha, (Alleluia!) re tla tsoha. (Amen!)

<sup>259</sup> Ha ho matemona a lekaneng liheleng a ka re thibang ho etsa hoo. Re reriloe ke Molimo bakeng sa hora ena. Lentsoe la Molimo le iponahatsa ka rōna hantle. 'Me re phela Pontšeng ea Molimo, ka Lentsoe tsepiso ea Molimo. Ha ho liabolosi liheleng ea ka nthibelang ho tsoha. A ke ke a khahlela monyako ofe sefahlehong sa ka, hoseng hoo. Litiiso li pshatliloe. Alleluia!

<sup>260</sup> Ke lokolotsoe. Ke ntsu. Ha ke sa koaletsoe serobeng, empa ke lokolohile. Ke tsohile bafung, ho kena Bophelong bo bocha ba Jesu Kreste. E seng 'na ke le mong, empa monna e mong le e mong, basali, moshanyana kapa ngoanana ea lutseng mona, ea tlatsitsoeng ho Moea oo oa Molimo, ke 'mopuoa e mocha ka ho Kreste. 'Me u ntsu.

<sup>261</sup> Re a phela, kajeno, re thabela tsoho kamehla eohle. Erekaha A phela, le rōna re phela, ke hona. 'Me O re phelisa, ho re phelisa. 'Me Moea o Mo tsositseng bafung, o ahileng bothong ba rōna, o

tlā rolofatsa mebele ea rōna e shoang, mohla Paseka e khōlō eo ea Bosafeleng. Khanya ho Molimo!

<sup>262</sup> Oh, nka lefatše, nka sohle seo u se batlang, feela mphe Jesu. Amen. Ke a Mo rata. Ho 'na, Ke lefatše lohle.

<sup>263</sup> 'Me kahobane u le karolo ea Hae, ke karolo ea hao, 'me u karolo ea ka. 'Me, 'moho, re karolo ea Hae.

<sup>264</sup> Oh, Mokreste, re na le menyetla o mokakang! Re na le menyetla eo Santa Pauluse a sa kang a lora ka eona. Re na le menyetla eo Henoke, le Elia, le eo bao bohle bao ba sa e tholang, menyetla eo re nang le eona joale.

<sup>265</sup> 'Me nkunyana e le 'ngoe e teng ka ntle koana nqa e 'ngoe, 'me A ke ke a khotsofala hofihlela eo e kene mohlapeng. Ka thuso ea Molimo, le ka pono, le HO RIALO MORENA, ke khutlela mose ho leoatle. Nkunyana eo ea ho qetela ekaba e ntšo tlase mane, ho tseba mang, ebile ba nahana hore ha ba na soule. Empa Molimo o tseba ka ho fapanā. Ke tla tsoma hofihlela letsatsi la ho qetela la bophelo ba ka, ho fumana eo, hohle moo e leng teng.

<sup>266</sup> Ke t̄sepa ke sa khopisa mang oa baena ka ho bua lintho tse thata tsena. Ke . . . Ha se hore ha ke batle ha le kena kereke. Ehlide, ke batla u kene kereke. U kene kereke hohle moo u kenang. Feelā t̄sepo ea hao e se be, ho re, "Be, ke oa *sena*, kapa ke oa *sane*." Oh, moena, khaitseli, e ba oa Kreste. Tsamaea kereke, feelā u be oa Kreste. Amen.

<sup>267</sup> E re hoo—e re setšoanelo seo, ha bo sa aha ka ho uena, bo u rolofaletse hantle joale Bophelong. Na u ke ke ua Bo amohela joale?

<sup>268</sup> Phaposi ena e tletse Oona. Ke Bo utloa holim'a ka hohle. Ke A tseba a teng mona, matla a Molimo, Seboni se seholo sa lipono, Molepi e moholo ea ka bolelang lintho 'me li sa hlolehe le ka mohla, e moholo Eo ea ka buang 'me ho se ea ka reng ke "che," Monna ea ka bulang 'me ho se motho ea ka koalang. Ea na beng a shoele joale o a phela, 'me o phela, kajeno, mona Phoenix, o tsamaea har'a lipalesa tse tsoetsoeng bocha.

<sup>269</sup> Ha ho makatse, hoseng hoo ha Paseka marotholinyana a phoka a ne a letse maramanyaneng a mohalalitoe o mong le o mong le rosa e 'ngoe le e 'ngoe. Hobaneng? E tsebile hoba e ntšitsoe mobung, 'me kae-kae ho na le palesa ea Bosafeleng e thuntseng. E tla nka litulo tsa eona ka letsatsi le leng. Ke hantle.

<sup>270</sup> Ha ho makatse, ha likeleli tsa thabo li ka phalla marameng a rōna. Ha ho makatse, ha lipelō tsa rōna li reketla li thothomela ha re utloa matla ao a fetolang a kena maphelong a rōna a re tlatsa, esita le ho re re buisa ka puo e tsoang Leholumōng.

<sup>271</sup> Re rolofalitsoe hakaale Pontšeng ea Oona mono, boporofeta, ho bonelapele, ho bolela e sa le pele, 'me sohle se otla botsekeng ba Lentsoe. Ha e porofeta khahlano le Hoo, u se ke ua bo lumela.

Empa haeba bo khema le Lentsoe, Le se le itse, HO RIALO MORENA.

<sup>272</sup> "Se tšabeng. Ke na be ke shoele, 'me ke phela kamehla eohle." Eo ke tiiso ea Molimo ea Paseka e tiisetsang letere e 'ngoe le e 'ngoe ea Lentsoe lena pelōng ea hao. Tiiso ke'ng? "Lōna le liepistole tse ngoliloeng, tse baloang ke batho bohle." Le tseba seo. Empa ha Molimo a u tsekile, O ile a u tiisa ka tiiso ea Paseka, hore u tsohile le Kreste, 'me u 'mopua e mocha.

<sup>273</sup> Haeba u eso tiisoe hoseng hona, etsa joalo re sa inamisa lihlooho tsa rōna.

<sup>274</sup> [Moena o qala a bua ka leleme le leng. Sekheo lebanteng—Mohl.]...Morena. Na le a utloa? [Phutheho e re, "Amen."]

<sup>275</sup> Le nahnane joale, le sa inamisitse lihlooho tsa lōna. Baroma 8:11, "Ekareha Moea o tsotsitseng Kreste bafung o ahile ka ho lōna, O tla boela o rolofatsa mebele ea lōna e shoang."

<sup>276</sup> Ebe re ka shebella'ng kapele, lōna batho? Ho setse'ng? Shebang Formosa le lefatše lohle. Le limisale tsa atomiki le ntho tsohle tse malala-a-laotsoe ho otla lefatše, 'me li tšoarisa linerefe haholo, le tšohile, le hlaba litlatse. 'Me litšoantši tsena tsa limofi li tsoelapele, kantle mane, li pheta mesoaso ea mefuta eohle, joaloka moshanyana ea pholletsang mabitla, a letsa mololi bosiu, a leka ho kholisa batho tsohle li lōkile. Le se ke la thetsoa. Ho Khutla ha Morena ho haufi.

<sup>277</sup> Le a lemoha, letsatsi le leng, motšoasi oa lihlapi o tlie a mpolella, ke lutse tlase koung, hoo, tuloana e itseng e makukuno kapa ntho e itseng tlase mona. Le kamoo, seo, le pele tšisinyeho eo ea lefatše e otla Gerike, lihlapi tsohle ka tloaelo li selang ka nako eo hoseng, li hanne ho sela. E ne e le eng? Li ne li sa nyolohela kaholimō. Ke khetlo labobel e etsahala, e etsahetse ka ho tšoana. A tseba hantle mono hoba ntho e tla etsahala. Lihlapi tseo li ne li sa sele nakong eo

<sup>278</sup> 'Me li-gulls tsohle le lintho tse selang lihlapi, tsa tèla ho sela. Hoseng hakaalo, ke nako ea tsona ho sela. Tsa lula lebopong feela, tsa suthela hole le likhohlo le lintho. Hoba, metsotsong e 'maloa feela, boriba ba leoatle ba qala ba biloha lefatšeng, ho tsoa mosamelong oa leoatle. Le a bona? Lihlapi tseo li e tsebile le pele e etsahala.

<sup>279</sup> Ho kena India, ke balile pampiri, ho itsoe, "Thothomelo ea lefatše e tlamehile e be e fetile." Hoba matsatsi-tsatsi, linonyana li hanne ho khutlala lihlaheng tsa tsona mafikeng. Likhomo li sa batle ho ema pel'a litšabelo tlas'a e...moriting, ka nako ha letsatsi le chesa haholo. Linku tsa ema hantle bohareng ba nahā, tsa itšetleha e 'ngoe ka e 'ngoe. Tsa hana ho nyolohela pel'a mafika, matsatsi a mabeli kapa a mararō pele ho thothomelo ea lefatše.

<sup>280</sup> Hobaneng? Linku tseo li tsebile. Li tsebile hoba ntho e mathuleng a ho etsahala. Linonyana tseo li tsebile hoba ntho e mathuleng a ho etsahala. Li-gulls li tsebile hoba ntho e mathuleng a ho etsahala. Lihlapi tseo li tsebile hoba ntho e mathuleng a ho etsahala. Esale Molimo o susumelitseng liphoofolo tseo ho kena arekeng.

<sup>281</sup> Ha le bone na, lōna batho ba tletseng Moea, ntho e mathuleng a ho etsahala? Le se ke la sheba *nthohali* e eang ka lefatše lohle e haolang; le letho haese ho Khutla ha Morena Jesu. Le hopole, le hopole feela Mantsoe le tšepiso ea Morena.

<sup>282</sup> Na le ke ke la kena la tla kapele? Suthang marakong a maholo ao. Tsoho e atametse joale. Ha motho a le teng mona a sa tsebe hoba ba tla kena tsohong eo, ba sa kholoe hoba matla a tsosang ao a ahile ka ho bona!

<sup>283</sup> Leha liboko tsa letlalo li o senya, leha bomo ea atomo e ka phatlha bohareng ba hao, e ke ke ea falatsa matla ao a rolofatsang, a tsosang. Che, che. Khaitseli, moena, lebitso la hao le theko e thata le ngotsoe koana Bukeng ea Bophelo ea Konyana. Le ke ke la hlakoloa ke motho. Ha ho metsoako e hlakolang, lefatšeng, e ka hlakolang lebitso la hao Mono Bukeng le rekiloeng ka Mali a Hae.

<sup>284</sup> Haeba u sa kholiseha, u se ke—u se ke oa hakanya ka eona joale. Le a bona? U ka leka ho nka monyetla ho tšela thibella nga e 'ngoe 'me u sa bolaoe, empa u ke ke ua feta thibella ena. Che, che. E tla u tšoara. Ha u a tlameha joalo. Hajoale lebone le lefubelu le a tšoelima. Kheloha, feta menahano ea hao mohoalotso, feta lintho tsa lefatše mohoalotso.

<sup>285</sup> Tloong. Re mpe re tsosoe 'moho mehleng ea Paseka ena e tsoileng ka mahetla, keteko e khōlō ea Paseka. Na le ka e keteka pelōng tsa lōna vekeng ena? Haeba u sa khone, na u ka phahamisetsa Molimo letsaho la hao feela?

<sup>286</sup> Ho re, "Molimo, ha ke a kholiseha. Ha ke tsebe na nka etsa hoo hohle kapa che. Na U tla nthusa? Ke tlil'o phahamisetsa letsaho la ka ho Uena, Morena. Nthuse." Molimo a u hlohonolofatse. Molimo a u hlohonolofatse. Ke botle. "Ke—ke—ke batla Uena, Morena. Nthuse. Ke—ke batla—ke batla ho tsosoa. Ke—ke batla joalo. Ke batla setšanelo hona joale. Ke batla ho tseba hobane e lōkile. Ke batla ho tseba hobane e lōkile, Morena. Ke a tseba, nke ke ka etsa phos-..." Ha u batle phoso ea letho lekhatheng leo. E ke ke ea . . . nako e tla be e tlotse. Joale ke letsatsi. Khele! Joale ke letsatsi. U se ke ua ema.

<sup>287</sup> Ha se khale, ha ke rera. Eaba leqheku la monna e motšo le kena monyako o kamorao ho moaho mane, la kōpana le 'na. Ho re, le re, "Reverende, ke batla ho u joetsa. Ke re u bolella 'nete." A re, "Ke boleletse Morena, khale koana, ke batla seteketana sa ka letsohong hosseng hoo. Ke batla ho tseba hoba se tlapisitsoe ka tšoanelo." Ho re, "Mathata a tla be a hloele manolo holimō

tlase mono lelibohong." A re, "Ke—ke—ke theohela, lelibohong leo." A re, "Ha ke—ke batle mathata a letho mono. Ke batla ho e rarololla eohle hantle mona." Ke hantle.

<sup>288</sup> Ana u tšoere visa ea hao? Ha u sa tšoara visa ea hao . . . Ekaba u tšoere paseporoto, empa, ha u sa tšoara visa ea hao, u ke ke ua kena Lefatšeng. Le tseba seo. Na u hlophisitse ling tsohle tsa hao? Ha ho se joalo, hona joale ke nako ho e etsa.

<sup>289</sup> Se tšabeng, ha u batla u tšohile. Joale, ho batla ho phahame matsoho a lekholo ka mona. Haeba u batla u tšohile, joale re e batalatse feela.

<sup>290</sup> Joale, kea tseba litsela tsa rōna li fapane. Banna ba bang ba re, "Nyoloha, ke u tsukutle ka letsoho." Ba bang ba re, "Nyoloha, khumama aletareng." Joale, lintho tseo li lōkile. Ha ke na lentsoe khahlano le eona, ho hang, le letho, sefe seo ba ka se buang.

<sup>291</sup> Empa e re ke le bolelle tsela ea ka. "Ba lumelang, bongata boo . . ." Ho tla aletareng ho ke ke ha u etsa molumeli. Ho tsukutla matsoho le moreri ho ke ke ha u etsa molumeli. Empa haeba u bitsitsoe ke Molimo, 'me u le ntsu, le ho qaleng, u bolelloa ke mokhosi oo feela. U tla lumela. Haeba u hlile u lumela, ke tla rapela le uena.

<sup>292</sup> Le re ntsunyana eo e ka lika-lika setšeng seo? Che, che. Huh-uh. Che. U se ke oa lula lika-lika, motoalle. Ha re—ha re hloibiloeng joale. Mohau oa Molimo o teng mona ho e phethisa.

<sup>293</sup> Ntate ea Maholimōng, re lemoha hobane re theohela nqa hora e koalang. Re ke ke ra phela mona haleletsana joale. E seng ho ea ka lilemo tsa rōna, empa ka nako. Re lumela mona ho lutse bacha ba bangata, ba tla beng ba phela mohla sena se etsahalang. Se ka hlaha le kajeno. Ha re tsebe motsotso leha e le hora. Empa, Morena, U re boleletse, "Mohla le bonang lintho tsena li hlaha," 'me joale esale li ntse li etsahala nako e telele.

<sup>294</sup> Re a tseba re e tlotse khale koana, ho latela borasaense. Lilemong tse tšeleta, tse supileng tse fetileng, re ne re saletsoe ke metsotsso e merarō pele ho khitla ea bosiu. Ha re tsebe eo ke nako e kae, e ntse e otla, empa re a tseba re fihlile hantle mono.

<sup>295</sup> Oho Molimo, ho rua kholiseho eo: ho bona hore pelō ea rōna e omela tšepiso e 'ngoe le e 'ngoe ea Molimo ka "amen," ho bona hobane Moea ka Sebele, o kenang ka ho rōna, o rolofatsa botho ba rōna.

<sup>296</sup> Molimo, lumella baena ba ka ho bona seo, hoseng hona. Lumella baena ba heso ho bona seo, hore Moea oo o a kena o rolofatsa Lentsoe. Lumella likhaitseli tsa ka ho bona hona hoo, Morena. 'Me hape, haeba ba bona ntho e sa ba lumelleng ho tsosetsoa nqa Lentsoe leo, oho Molimo, ba e falatse ka potlako. Aba sena, Ntate. Ntho eohle e matsohong a Hao joale. Ke itseba ke hlollehile linthong tse ngata, ke tsoelapele ho hlolleha, empa, Morena, ke entse sohle ka bokhoni bohle ba tsebo ea ka.

Joale e matsohong a Hao. Ke ba Hao. Ka Lebitso la Jesu, ba amohele, Ntate.

<sup>297</sup> Joale ho lōna ba leng mona le hloka pholiso ea 'mele ea lōna. Balumeli ba bakae mona? Phahamisa letsoho la hao. "Ke molumeli, ho ea kamoo ke tsebang pelō ea ka." Ke ba bakae ba ruileng hoo? Le tseba, ntle le seriti sa pelaelo, hore pelōng ea hao, hona joale, u tsositsoe bafung? Le a tseba? Oh, banna! Ho ka etsahala'ng kōpanong e kang ena? Ke a tseba ke tlotsoe ke nako, empa ho ka etsahalang hona joale hantle? Nahanang se ka etsahalang. Setšoanelo se robetse hantle ka ho uena. Le a bona? Uena, ka letsoho le phahameng, u itlamme ka ntho e kang—kang kano, ho Molimo, ho re, "Ke a tseba ntho e ntlhahetse. Nka tšoha ke se moo ke tšoanetseng ho ba hona teng."

<sup>298</sup> Le 'na ha ke joalo. Che, monghali. Ke hole le moo ke tlamehang ho ba teng. Empa ke tseba ntho e le 'ngoe ena, ke tlohilie lefung ho kena Bophelong. Ke a tseba ntho e etsahetse ho 'na. Tse ngata . . . E seng joaloka leqheku la monna joale, empa lilemong tse ngata, lilemong tse fetileng, e etsahetse.

<sup>299</sup> 'Me ke a tseba, mohla ke ne ke kena kokelong eo, mohlang oo phepetso ea ka e le khōlō. Ka bona mohatsa ka a eshoa; ke ntse ke llela bophelo ba hae. "Kanthebo ke ne ke entse'ng haese ho ema seterateng le ho rera, le ho rapella bakuli?"

'Me Satane o itse, "Be, ha A arabe thapelo ea hao."

<sup>300</sup> Ka 'mona a shoa, empa ka tseba hoba matla a tsoha ao a ahile ka ho eèna. Masapo ao a tla tsoha hape.

<sup>301</sup> Ka bona lesea la ka le robetse mono. 'Me ka 'meha matsoho, ho re, "Molimo, u se ke oa le nka."

<sup>302</sup> Eaka O theola kharetene, ho re, "Ha Ke sa tla u mamela hape."

<sup>303</sup> Satane a re, "Ke eona. Lentsoe le le leng feela . . ." O tsebile hantle ho mpolella Molimo a le sieo, hoba ke tsebile. Empa o itse ha A nthate, ha A 'natse. Le a bona? Lebaka le leng le le leng, le itse, "U mohlankana feela, lilemo tsa hao li mashome a mabeli. Mohatsa'o ke eo o robetse tlase mona moshara. 'Me lesea la hao ke leao le a ikela. 'Me—'me feela . . . U itse Ke Mofolisi e moholo, 'me Ke sena sohle. 'Me, sheba, seo A se etsang? Lentsoe le le leng, ha A tlameha le ho le bua, haese ho sheba fatše mono le ho bua. Ho oma ka hlooho ea Hae feela, ke phetho se tlang ho etsahala, 'me le tla fola. Empa, u a bona, ha A u rate. Ha A u tsotelle. Ho lesa lesea la hao le shoa hantle mono joale, 'me esita le ho hana ho utloa thapelo ea hao horeng e lefifi ena."

<sup>304</sup> Sohle seo a se buileng e le 'nete e tiileng. "Ebe u entseng? Ho sebetsa letsatsi lohle, hofihlela u batla u sa khone ho ema. Le ho lula bosiu bohle, hofihlela hora ea leshome le metso e 'meli le hora ea pele. Ho ema likoung tsa seterata, ho rera. Ho arabela limemo tsa kokelong. Ho kena feela le ho lula fatše, setulong,

ho lula mono le ho robala hora kapa tse peli, le ho khutlela mosebetsing hape. Bosiu bo latèlang, ho a tšoana. 'Me ke uena enoa, lilemo tsa hao li ka ba mashome a mabeli le motso o le mong, mashome a mabeli le metso e 'meli. Motsoalle e mong le e mong, mocha oa leleiti leng le le leng, mohlankana e mong le e mong u kileng oa amana le eèna, ba u bitsitse lehlanya le lubakaneng. U entse'ng? U ikentse sethoto. Ha u bone na?" Ke se ke le lintšing tsa ho lumellana le eèna.

<sup>305</sup> 'Me Ntho e botebong ho 'na, e ne e fupile matla ao a rolofatsang. Ka re "Morena o ne a neile, 'me Morena o nkile. Ho bokoe Lebitso la Morena."

Mohla litšepo tsohle li apohang,  
Ke tšepo ea ka eohle le tšiea.  
Hoba holim'a Kreste, e . . .  
[Sekheo lebanteng—Mohl.] . . . lehlabathe le  
tebang.

Oh, O tla ka molumo oa terompeta,  
Ke fumanoe ho—ho Eèna mohlang oo,  
Ke apere likobo tsa ho lôka ha Hae.

<sup>306</sup> E seng hoa ka; ha ke na letho. Hoa ka ho litšila, likobo tse litšila. Ha ke batle ho leka ho ea Leholimõng ka therò ea ka. Ha ke batle ho leka ho ea Leholimõng ka lipono tsa ka. Ke ea Leholimõng hobane ke bolokile mohau oa Hae pelõng ea ka. Mohau oa Hae, ke ea ka lebaka leo. Re ea joalo.

<sup>307</sup> Oh, motsoalle, u karolo ea 'Mele ona. Le bana ba Molimo ba banyenyane. Joale, ke bua sena ho haha tšepo ea lôna. Haeba u fumane . . .

<sup>308</sup> Haeba ke fumane mohau mahlong a lôna, ho le bolella 'Nete . . . 'Me seo ke le boleletseng, ke—ke seo moporofeta a se buileng, lilemo tse ngata tse fetileng. Ha ke iketse moporofeta oa Hae. Che, monghali. Empa ke le bolella 'Nete. Na O kile a bolela taba e sa lôka? Ke le tsebile joale lilemo tse ka bang mashome a mabeli le ho hong, mona Phoenix, ho tloha mehleng ea sefela seo, *Ke Rata Ho E Rerisana Le Eèna*, holimõ koana kerekeng ea Moena Outlaw, ke a lumela, le Moena Garcia. Na nkile ka le bolella taba ka Lebitso la Morena haese e etsahetse'ng?

<sup>309</sup> Hopolang, tšepo e 'ngoe feela. Ke ho fumana matla ana a rolofatsang. A tla u baballa. Mohla tsohle li apohileng, A tla u baballa.

<sup>310</sup> Ba bang ba bona ba itse, "Na u bolokile borapeli ba hao, Moena Branham?"

Ka re, "Che. Bo mpolokile."

<sup>311</sup> Ke bona bo mpolokang. Ha se 'na ea bo bolokang. Ha se hore ke a tiisetra, kapa che. Ke hore na Eèna o a tiisetra, kapa che. Ke Eèna ea ileng a tiisetra sebakeng sa ka.

<sup>312</sup> O ne a sa tlameha. Mangeloi a ne a lutse sefateng se seng le se seng, ho re, "Thanya monoana oa hao feela. Supa feela; ha u a tlameha ho e qala sefapanong. Supa ka monoana oa hao feela, 'me le shebe seo." Le a bona, sehlopha seo se somang. Empa hola A etsa joalo, nka be ke sa tšoara bopaki bona kajeno; u ka be u sa bo fumana. Empa kahobane A ile a tiisetsa sefapanong, O ile a tiisetsa mono, ke ka lebaka leo ke Mo tiisetsang.

Ke ema, holim'a Kreste, Lefika le tiileng;  
Litša tsohle ke mobu o tebang.

<sup>313</sup> Joale, haeba u kula, na le ka beana matsoho holimō. A re rapeleng. Bea motho ea haufi le uena matsoho. Ho sa tsotelehe bothata ba hao, e ba le tumelo joale. Haeba nkile ka le bolella 'Nete, ke le bolella hona joale. Le a bona? Jesu o itse, "Mehlolo ena e tla teela ba lumelang hare." 'Me le balumeli, le phahamise matsoho a lōna feela. Le se belaele. O beile motho ea sotlehang matsoho. Le uena o beiloe matsoho ke motho e mong.

<sup>314</sup> Hopolang matla a rolofatsang ao, matla ao a tsotsitseng Jesu lebitleng. Joale u na le tumelo ho seo u se tšoereng 'meleng oa hao—oa hao. Se tla thusa motho eo u 'mehileng matsoho. "Ekare ha O ahile ka ho lōna, O tla rolofatsa le mebele ea lōna e shoang."

<sup>315</sup> Molimo o ratehang, joalokaha ke eme mona hoseng hona, e atamela mpa ea letše share, e ne e batla e le hora ena ea letsatsi ha Jesu a ne a meketsa, "Molimo oa Ka, Molimo oa Ka, U Ntahletse'ng na? Ke nyoriloe." Ha ho makatse, moporofeta o e bonetse pele, le ho re, "Masapo a Ka kaofela, a lepalapaleng ho 'Na. Ba hlabile matsoho a Ka le maoto a Ka." "Empa O baliloe le lisenyi. Athe O hlabetsoe melato ea rōna. A tetekoa ka baka la tlolo ea rōna. Kotlo e re tlisetsang khotso e Mo oetse holimō, 'me re folisoa ka maqeba a Hae." Re tseka seo, hoseng hona, Molimo. Re tseka seo.

<sup>316</sup> Hoseng ha tsoho ena, lemoha, 'Nete e nètēfalinsoeng ena eo ke e boletseng, Morena, ho tsoa Lentsoeng la Hao, Pontšeng ea Molimo. Ke Moahloli, 'me re lipaki tsa hobane O re lopolotse. 'Me ka ho rōna ho ahile, ka mohau oa Molimo, matla ao a tsosang. 'Me metsoalle ea rōna e a kula, bao ba beiloeng matsoho.

<sup>317</sup> Oho Molimo, re phephetsa liabolosi, khabareng ea tumelo ea rōna hoseng hona, ka matsoho a beiloeng holim'a batho, 'me matsoho a ka a ottoletsoe holim'a batho. Boloetse bofe le bofe, mahloko afe a lekang ho tšoara batho, pontšeng ea 'Nete ena e nètēfalinsoeng, a tsoe. Ka Lebitso la Jesu Kreste, batho bana ba lokolohe kajeno. Etsoe, Bibele, Mantsoe a Molimo oa rōna a boletse, "Ha ba bea bakuli matsoho, ba tla fola." 'Me matsoho a rōna a ne a phahamisitsoe, nqa ho Uena, Molimo.

<sup>318</sup> Jolokaha semela sefe le sefe sa lefatše se noa selibeng sa Hao, 'me ruri joalokaha semela seo, se melisitsoeng, se noa selibeng sa Hao, se qala se haha. Se qala se hola. Lehlaka la poone, palesia, e ka bang eng e noang selibeng sa Hao, se holela nqa ho Uena.

<sup>319</sup> 'Me hoseng hona, re hotse, ka li-inchi, Morena. Re ka nanabela holingoana. Re noa selibeng sa Hao. Re libopuoata Hao, ka matla a tsoho ka ho rōna, Morena. 'Me re U rapeala ho utloa thapelo bakeng sa baena le likhaiseli tsa rōna. 'Me boholoko bofe le bofe, bo hlophang batho ba ratehang bana ba ruileng matla ana, Morena, ba lokolle, ba tle ba sebeletse Molimo. 'Me ho tla lōka, Morena. Ka Lebitso la Jesu Kreste. Amen.

<sup>320</sup> Le a Mo lumela na? [Phutheho e re, "Amen."—Mohl.] Le ka lesa ntho e kang ena? U ka e etsa joang? U tlameha feela, ekare, u ka ikuhuela hole feela. Na u ikutloa joalo? ["Amen."] Ke—ke—ke... Mohlomong ke feela, ho re ke... Empa ke utloile maikutlo, maikutlo a hlollang feela ha ke kena har'a batho, moo le lutseng 'moho ka tsela ena. Ke a tseba, nqa e 'ngoe, ha e bonoe mona; joaloka radio, telebishene, e ka bang eng, e haolang har'a phaposi ena; Kreste o har'a phaposi ena. Nahana feela, Molopolli oa rōna! Tony, O teng mona. Amen.

<sup>321</sup> 'Me ke mang ea ka thabang ho feta batho ba ruileng, ka bopaki ba Bibele ba Lentsoe ka leng la Molimo le bonahatsoang, ho bona esita le ho fihla ho Mangeloi le Boleng ba Oona, joalokaha a entse ho haola le e—e mengoaha! 'Me mona, Mantsoe a liboni, a lepile 'me a etsahetse hantle feela. 'Me ke rōna bana lintsing tsa ho Khutla ha Hae. Oh, nako e babatsehang hakakang!

<sup>322</sup> Re tla 'Mona. Le leng la matsatsi ana, O tla fihla mona. Ho fihlela A etsa hoo, na le tla nthapella? [Phutheho e re, "Amen."—Mohl.] Linako tse boholoko li nkemetse. Ke a e tseba. Le a bona? 'Me ke khahlana le bahetene ba u thunyang, eka ho nooa metsi, 'me u a e lefelloa. U hatile litšeng tsa bona, mademonia a u phepetsang ka Bibele, ka bolotsana hakaalo. Empa ha ke eso bone le hang Molimo oa rōna o hapa tlholo. Ke tloha ka Lebitso la Oona, ka Lebitso la Morena Jesu Kreste, tšepo ea Bophelo Bosafeleng, tsoho le Bophelo. "Ea phelang a lumela ho 'Na, leha a shoele u tla boela a phela. 'Me ea phelang a lumela ho 'Na a ke ke a shoa le ka mohla." Ke lumela hoo e le Lentsoe la Molimo la Bosafeleng. Na le lumela hona hoo? ["Amen."] Na le tla nthapella? ["Amen."] Ke tla le rapella. Molimo a le alose ho fihlela re kōpana.

<sup>323</sup> Joale a re emeng ka maoto a rōna, nakoana feela. (Na u batla ho bua taba?)

A re inamiseng lihlooho tsa rōna.

<sup>324</sup> Re tla be re sa hantle feela ha re sa bine sefelanyana sena, e ka ba eona? Le hopola sefela sa rōna, *Ke A Mo Rata*, ntho le bobile pelōng e 'ngoe le e 'ngoe? A re se bineng feela. Khaitseli, moratuoa, na u ka khona... Ke batla ho bolela, hore ke ananela moletso oa hao, le hona, khaitseli. Ke hantle.

Ke a Mo rata, ke a Mo rata  
 Hoba A nthatile pele  
 Le ho lefella poloko ea ka  
 Fateng sa Kalvari.

Joale re tla fetola sefela.

Tumelo ea ka e lelala ho Uena,  
 Uena Konyana ea Kalvari,  
 'Moloki ea khetheleng;  
 Nkutloe joale ke a rapela,  
 Oh, tlosa molato oa ka ohle,  
 Oh, ho tloha kajeno  
 Ke be oa Hao ka botlalo!

<sup>325</sup> Na ha se ame selo ka ho lōna? Ba ba bakae ba ratang ntho eo ea pelō... Ke—ke—ke rata lifela tsa jubilee. Ehlide, ke joalo. Empa ha u kene moeeng oa ho thoriso, na ha le rate lifela tseo tsa khale tse monate? Ke lumela Moea o Halalelang o haotse holim'a Eddie Perronet le bao ba ngotseng lifela tseo tsa khale tse tsoileng ka mahetla. Ha le lumele seo? Fanny Crosby, mohla a neng a ngola.

Se mphete, uena, ea ratehang,  
 'Moloki oa ka;  
 Ha U ntse u bitsa ba bang,  
 Se mphete le 'na.

U Seliba sa tšeliso ea ka eohle,  
 U feta le bophelo ho 'na,  
 Lefatšeng ke mang haese Uena?  
 Kapa Leholumōng ke mang haese Uena?

<sup>326</sup> Na hoo ha ho babatsehe? Hoo ho etsa re batle ho bina *Ke A Mo Rata*. Ha ke re? [Phutheho e re, "Amen."—Mohl.] Joale, ha re bina khetlong lena, *Ke A Mo Rata*, ha re... Re a ratana. Haeba re sa ratane, re ke ke ra Mo rata. Joale ha re tsukutlaneng ka matsoho. Ho ema feela, re ntšetse letsoho ka nqane ho tafole, ho tsukutla matsoho, le mong.

Ke... [Moena Branham o tloha maekeng o bua  
 le motho—Mohl.]... ?...  
 Le ho lefella poloko ea ka  
 Fateng sa Kalvari.

A re inamiseng lihlooho tsa rōna joale.

<sup>327</sup> Ke tla kōpa Moena Williams, Moena Williams e mocha, ho tla koano nakoana feela. Ke tla mo kōpa ho qhala letšoelle lena ka thapelo.

<sup>328</sup> Ke rata Moena Williams, Mokreste e mocha, eo ke mo hopolang e le mohlanka oa 'nete oa Kreste, lapanyana la hae. Ke kenela setsoalle khafetsa le bana. Le bashanyana ba theko e thata bao ba Moseley le bao bohle, esale re le 'moho, le metsoalle ea ka e mengata e ratoang mona Phoenix, bao ke ba ratang ka

pelō ea ka eohle. Ke a hopola, ponong ea hoseng hoo, O itse, “Sohle seo u kileng oa se rata, le sohle e u ratileng, Molimo o u neile eona.”

<sup>329</sup> Ke kholoa motho ea bakang sebeng sa hae a le teng mona, holim'a fuluru mono, leleiti le llang.

A re inamiseng lihlooho nakoana feela sebakeng sa hae.

<sup>330</sup> Molimo o ratehang, na ke eona nkunyana e neng e setse Phoenix? Ha ke tsebe, Molimo. U a tseba. Empa, ka letsatsi le leng, e tla etsahala. Empa, Ntate, enoa, ntle le pelaelo, ke e mong. Ka hona ke U kōpa ho mo thusa, hona joale. Bula khoro ka mosa, ho re, “Tloo, ngoana oa Ka. Kena ho tsoa mokhathaleng, oa tsela e tepeletsang. Esale u therekesela kantle mono lefifing. Ke a tsoa, kajeno, ho u lata. Ke Moea oa Ka o buisanang le uena ho u kenya mohlapeng joale.” Aba sena, Molimo. Mosali e mocha enoa . . . makōpanong a litsela tsa bophelo mona. “Ea tlang ho utloa Mantsoe a Ka, a lumela ho Ea Nthomileng, o na le Bophelo ba ka mehla.” Abela sena, Molimo o ratehang, ho Mokreste e mocha enoa. “Ea tlang ho ’Na, Nke ke ka mo lahlela kantle le ka mohla.” Bahalaleli ba sa eme holim'a mosali e mocha enoa, ba ntse ba rapela.

<sup>331</sup> Hopolang, esita le Pauluse, ea tlepelitsoeng habohloko hakaale ho fihlela a ne a eshoa, enereha bahalaleli ba ema ba rapela, bophelo ba khutla. Hobane, mebeleng ea bahalaleli bao ho ne ho ahile matla ao a rolofatsang a buselitseng moea oa bophelo ho Santa Pauluse. Molimo, ruri a khonne ho rapela thapelo, ea lefu ho tsoa ho . . . kapa ho ntša lefu ho motho, ka thapelo ea tumelo, ho isa bophelong. Aba seo, Molimo o ratehang.

<sup>332</sup> Re hlohonolofatse joale re sa U emetse. Ka Lebitso la Jesu Kreste, re a rapela.

<sup>333</sup> Joale ka lihlooho tsa lōna tse inamisitsoeng, ke tla kōpa Moena Williams.



*TIISO EA PASEKA* SST65-0410  
(The Easter Seal)

Molaetsa ona, ka Moena William Marrion Branham, reriloe sethatong ka Senyesemane, Moqebelo hoseng, 'Mesa 10, 1965, bakeng sa borakefese ba Full Gospel Business Men's Fellowship International, Ramada Inn, Phoenix, Arizona, U.S.A. o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)